

疏附按勘記

附釋音春秋左傳注疏卷第十

莊二十三年 盡三十二年

杜氏注

孔穎達疏

經二十有三年春公至自齊

無傳

○祭叔來聘

無傳

穀梁以祭叔為祭公來聘魯天子內臣不得外交故不言使不與其得使聘。祭則界反為子為反

疏

二十

注穀梁至使聘。正義曰諸言聘者皆言某侯使某來聘此不言使左氏無傳故取穀梁為說穀梁傳云其不言使何也天子之內臣也不正其外交故不與使也然則言內臣不得外交必是畿內之國畿內之國非為祭耳傳不言為祭公來聘杜言為祭公來聘者但祭叔連祭為文必是祭人虞天子虞公之弟此祭叔或是祭公之弟故以為為祭公來聘天子內臣不得外交諸侯故不言使不與其得使聘也魯受其聘行其禮故書聘耳二十五年陳女叔來聘嘉之故不名此無可嘉亦稱初者杜意叔為名為字無以可知故不明言

○夏公如齊觀社

齊因祭社蒐軍

實故公往觀之

疏

注齊因至觀之。正義曰魯語說此事云夫齊棄大公之法而觀民於社孔晁云聚民於社觀

戎器也襄二十四年傳稱楚子使薳啓疆如齊齊社蒐軍實使客觀之知此亦然故公往觀之釋例曰凡公出朝聘奔喪會葬皆但書如不言其事此春秋之常然則喪葬常事故不書觀社非常故特書

公至自齊

無傳

○荆人來聘

無傳不書荆子使某來聘君臣同辭者蓋楚之始通未成其禮

疏

注不書至

其禮。正義曰釋例曰楚之君臣最多混錯此乃楚之初與未開周之典禮告命之辭自生同異楚武王熊達始居江漢之間然猶未能自同列國故稱荆敗蔡師荆人來聘從其所居之稱而摠其君臣是言楚之始通未成其禮之意言君臣同辭者此云荆人來聘是臣來也僖二十一年楚人使宜申來獻捷言使則是君也而經亦書楚人是君臣同辭

公及齊侯遇于穀

穀音谷

○蕭叔朝公

無傳蕭附庸國叔名

就穀朝公故不言來凡在外朝則禮不得具嘉禮不野合也邾儀父貴之乃書字此無所貴知叔為名也公羊傳曰其言朝公何公在外也文連遇于穀是就穀朝公穀是齊地故不言來也定十四年大蒐于比蒲邾子來會公比蒲魯地故言來也穀梁傳曰朝於廟正也於外非正也是言在外行朝

疏

注蕭附至野合。正義曰無爵而稱朝知是附庸國

則禮不得具定十年傳稱嘉樂不野合知嘉禮亦不野合嘉禮謂善禮非五禮之嘉也朝於五禮屬賓

○秋

丹桓宮楹

桓公廟也楹柱也。楹音盈。

○冬十有一月曹伯

射姑卒

無傳未同盟而起以名射示亦反又音亦

○十有二月甲寅公

會齊侯盟于扈

無傳扈鄭地在滎陽卷縣西北。扈音戶卷音權字林丘權反韋昭丘云反說

文丘粉反

傳二十三年夏公如齊觀社非禮也曹劌諫

曰不可夫禮所以整民也故會以訓上下之

則制財用之節

貢賦多少

朝以正班爵之義帥長

幼之序征伐以討其不然

不然不用命長丁丈反

疏

夫禮至不然。

正義曰夫禮者所以整理天下之民民謂毗庶貴賤者皆是也諸侯會聚所謀皆是尊王室脩臣禮故會以訓上下之則

以諸侯事天子訓在下事其君也於會必號令諸國出貢賦
多少卽是制財用之節度也禮使小國朝大國是朝以正班
爵之等義也爵同則小國在下是帥長幼之次序也諸侯之
序以爵不以年此言長幼謂國大小也沈氏云爵同者據年
之長幼故云帥長幼之序不朝不會
則征討之故言征伐以討其不然
諸侯有王從王王

有巡守

省四方

以大習之

大習會朝之禮

非是君不舉矣

君舉必書

書於策

書而不法後嗣何觀○晉桓

莊之族偏

桓叔莊伯之子孫強盛偏迫公室。偏彼力反。

獻公患之士

薦曰去富子則羣公子可謀也已

士薦晉大夫富子二族之富強

者。薦于姜反去起呂反下同

公曰爾試其事士薦與羣公子

謀譖富子而去之

以罪狀誣之同族惡其富強故士薦得因而間之用其所親為譖則

似信離其骨肉則黨弱羣公子終所以見滅。惡鳥路反間問廁之間

○秋丹桓宮之楹

經二十有四年春王三月刻桓宮桷

刻鏤也桷椽也將逆

夫人故為盛飾。刻音克桷音角。字林云齊魯謂椽為桷椽直專反。

疏

二十四年注刻鏤至盛飾。正義曰釋器

云金謂之鏤木謂之刻刻木鏤金其事相類故以刻為鏤也。桷謂之椽椽即椽也穀梁傳曰刻桷非正也夫人所以崇宗

廟也取非禮與非正而加之於宗廟以餉夫人非正也刻桓宮桷丹桓宮楹斥言桓宮以惡莊也是言丹楹刻桷皆為將

逆夫人故為盛飾

○葬曹莊公

無傳

○夏公如齊逆女

無傳親逆

禮也親逆是正禮有故得使卿逆亦無議也。注親逆禮也。正義曰公羊傳曰何以書親迎也。

○秋

公至自齊

無傳

八月丁丑去人姜氏

哀姜也公羊傳以為姜氏

要公不與公俱入蓋以孟任故丁丑入而明日乃朝廟。要於遙反任音壬後孟任皆同。

疏

注哀姜至朝廟。正

義曰公羊傳曰其言入何難也其難奈何夫人不可使入與公有所約然後入唯言有所要不知要何事故云蓋以孟任

故也明日戊寅大夫宗婦覲用幣夫人若未朝廟不得受臣覲禮知明日乃朝廟既朝乃見大夫宗婦杜言朝廟者為覲

用幣發也書入不書至者釋例曰莊公顧割臂之盟崇寵孟
任故卽位二十三年乃娶元妃雖丹楹刻桷身自納幣而有
孟任之嫌故與姜氏俱反而戊宗大夫宗婦覲用幣

異入經所以不以至禮書也
宗婦同姓大夫之婦禮小君至大夫執贄以見明臣子之道
莊公欲奢夸夸夫人故使大夫宗婦同贄俱見覲徒歷反見
也以見賢遍反疏注宗婦至俱見正義曰襄二年葬齊

下同夸苦瓜反疏姜傳稱齊侯使諸姜宗婦來送葬諸姜
是同姓之女知宗婦是同姓大夫之婦也禮小君至大夫執
贄以見明臣子之道禮亦無此文士相見禮稱大夫始見於
君執贄夫人尊與君同臣始為臣有見君之禮明小君初至
亦當有禮以見也且傳唯譏婦贄不宜用幣不言覲之為非

知其禮當然也大夫當用羔鴈用幣亦為非禮也莊公欲奢
夸夫人故使男女同贄惡其男女無別且譏僭為失禮故書
之
○大水無傳
○冬戎侵曹無傳
○曹羈出奔陳無傳

羈蓋曹卅子也先君既葬而不稱
爵者微弱不能自定曹人以名赴疏注羈蓋至名赴正義曰此事左氏穀梁
並無傳公羊以曹羈為曹大夫三諫不從而出奔杜以此經
書曹羈出奔陳赤歸于曹與鄭忽出奔衛突歸于鄭其文相

類故附彼爲之說稱蓋爲疑辭微弱不
能自定曹人以名赴亦如鄭忽之出奔
○赤歸于曹傳無

赤曹僖公也蓋爲疏注赤曹至曰歸○正義曰史記曹世

戎所納故曰歸疏家與年表皆云僖公名夷三家經傳

有五而皆言赤杜以鄭突類之知赤是曹君故以赤爲僖公

書有舛誤何必史記是而杜說非也傳例曰諸侯納之曰歸

以戎侵曹而赤歸故云蓋爲戎所納也賈逵以爲羈是曹君

赤是戎之外孫故戎侵曹逐羈而立赤亦以意言之無所據

也○郭公疏無傳蓋經闕誤也自曹羈以下公羊穀梁之

注蓋經至采用○正義曰公羊穀梁並以赤歸于曹郭公連

文爲句言郭公名赤失國而歸于曹是爲說不了故不采用

傳二十四年春刻其桷皆非禮也并非丹楹

注并非丹楹故言皆○正義曰穀梁傳曰禮楹天子諸侯黝

堊大夫蒼士黻丹楹非禮也注云黝堊黑色黻黃色又曰禮

天子之桷斷之礲之加密石焉諸侯之桷斷之礲之大夫斷

之士斷本刻桷非正也加密石注云以細石磨之晉語云天

子之室斷其椽而礲之加密石焉諸侯礲之大夫斷之士御

首之言雖小異要知正禮楹不丹桷不刻故云皆非禮也

御

孫諫曰臣聞之儉德之共也後惡之大也御孫

魯大夫。御魚呂反本亦作禦俊昌紙反又戶氏反先君有共德而君納諸

大惡無乃不可乎以不丹盪刻柄為共○秋哀姜至公使

宗婦覲用幣非禮也傳不言大夫唯舉非常〔疏〕注傳不至非常。正義曰

士相見禮云天下大夫相見以鴈上大夫相見以羔如士相見之禮始見於君執摯鄭玄云士大夫一也如彼禮文大夫始見於君用羔鴈始見夫人亦當然則大夫用幣亦非常而以大夫為常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣上明為諫發傳故唯舉非常也左傳諸為諫者或言諫曰或不言諫意在載辭不為例也御孫曰男贄大者玉帛

公侯伯子男執玉諸侯世子附庸孤卿執帛。贄真二反〔疏〕注公侯至執帛。正義曰周禮大宗伯職云公執桓圭侯執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其君則下

其君之禮一等未誓則以皮帛繼子男公之孤四命以皮帛
既小國之君是諸侯世子與孤卿執帛也附庸雖則無文而
爲一國之主來則謂之爲朝未有爵命不合執玉明與世子
同執帛也且哀七年傳稱禹合諸侯於塗山執玉帛者萬國
附庸是國明執帛者附庸也鄭玄周禮注云皮帛者束帛而
表以皮爲之飾皮虎豹皮帛如今璧色繒也周禮以玉作六
瑞以禽作六摯則瑞贄有異而此傳玉帛同言贄者鄭玄曲
禮注云摯之言至也當謂執之見人以表至誠也典瑞注云
瑞節信也禮天子執冒以見諸侯諸侯執圭璧以朝天子天
子以冒冒之以爲信故以瑞爲名皮帛以下無此合信之事
故以贄爲名其實皆以表至誠故傳通

小者禽鳥

卿執羔大

夫執鴈疏注卿執至執雉。正義曰周禮大宗伯職文也
士執雉鄭玄云羔取其羣而不失其類鴈取其候時而

行雉取其守介而死不失其節鶩取其不飛遷雞取其守時
而動曲禮曰飾羔鴈者以續言天子之臣飾羔鴈以布又畫

之諸侯之臣飾以布不章所執之物別貴賤。別彼列反女

贄不過榛栗棗脩以告虔也

榛小栗脩脯虔敬也皆取其名以示

敬。○榛側巾反脩鍛脯

加董桂曰脩虔音乾

疏

注榛小至示敬。正義曰曲禮云婦人之贊棋榛脯脩棗栗鄭

立云婦人無外事見以羞物也棋榛木名棋枳也有實今邳

鄭之東食之榛實似栗而小鄭又注周禮腊人云薄析曰脯

捶之而施薑桂曰鍛脩然則脩脯大同故以脩為脯也虔敬

釋詁文皆取其名以示敬者先儒以為栗取其戰栗也棗取

其早起也脩取其自脩也唯榛無

說蓋以榛聲近虔取其虔於事也

今男女同贊是無

別也男女之別國之大節也而由夫人亂之

無乃不可乎○晉士蔿又與羣公子謀使殺

游氏之二子

游氏二子亦桓莊之族

士蔿告晉侯曰可矣不

過二年君必無患

經二十有五年春陳侯使女叔來聘

女叔陳卿女氏叔字

○女音汝

陳大夫氏○夏五月癸丑衛侯朔卒

無傳惠公也書名十六年

與內大夫盟于幽

○六月辛未朔日有食之鼓用牲于

社鼓伐鼓也用牲以祭

疏曰尚書召誥云用牲于郊牛二

如此之類言用牲者皆用之以祭知此用牲以祭社也鼓之
所用必是伐之伐理可見故不言伐鼓牲不言用則牲無所
施於文不足故言用牲傳稱正月之朔歷未作日有食之於
是乎用幣于社伐鼓于朝正月謂周六月也此經雖書六月
杜以長厓校之此是七月七日用鼓非常月也鼓當于朝而
此鼓于社非其處也社應用幣而於社用牲非所用也一舉
而有三失

○伯姬歸于杞

無傳不書逆女逆者微

○秋大水鼓

用牲于社于門

門國門也傳例曰亦非常也

疏

注門國門也。正義曰祭法云天子

立七祀諸侯立五祀其門皆曰國門知此門亦國門國門謂
城門也傳稱天災有幣無牲非日月之眚不鼓則鼓與牲二
事皆失
○冬公子友如陳
無傳報女叔之聘諸魯出朝
聘皆書如不果彼國必成其
禮故不稱朝聘春秋之常也公子友莊公之母弟稱公子者
史策之通言母弟至親異於他臣其相殺害則稱弟以示義

至於嘉好之事兄弟篤睦非例所興或稱弟或稱公子

疏

仍舊史之文也母弟例在宣十七年。好呼報反傳同注報女至七年。正義曰魯出朝聘多有在道復者假令得到彼國尚不知受之以否故皆書如如者往也直言往彼而已不果彼國必成其禮故不稱朝聘爲春秋之常也僖二十八年公朝于王所朝訖乃書故卽稱爲朝此公子友莊公之母弟也於莊世稱公子昭元年陳公子招陳哀公母弟也於哀世稱公子故解之稱公子者史策之通言也釋例曰庶弟不得稱弟而母弟得稱公子秦伯之弟鍼適晉女叔齊曰秦公子必歸此公子亦國之常言得兩通之證也是言公子母弟得通言之意也釋例又曰兄而害弟則稱弟以章兄罪弟又害兄則云弟以罪弟身統論其義兄弟二人交相殺害各有曲直存弟則示兄曲也是言其相殺害則稱弟以示義也釋例又曰若夫朝聘盟會嘉好之事此乃兄弟之篤睦非義例之所興故仍舊史之策或稱弟或稱公子踐土之盟叔武不稱弟此其義也案經桓三年齊侯使其弟年來聘十四年鄭伯使其弟語來盟成十年衛侯之弟黑背帥師侵鄭彼皆稱弟季友陳招並稱公子俱無褒貶所稱不同知是史文之異不爲義例仲尼無所見義故仍舊史耳

傳二十五年春陳女叔來聘始結陳好也嘉

之故不名

季友相魯原仲相陳二人有舊故女來聘季友冬亦報聘嘉好接備卿以字為嘉則稱名其常

也。相魯息亮反下同。

○夏六月辛未朔日有食之鼓用

牲于社非常也

非常鼓之月長麻推之辛未實七月朔置閏失所故致月錯。

疏

注非

常至月錯。正義曰此及文十五年昭十七年皆書六月朔日有食之昭十七年傳稱祝史請所用幣昭子許之平子禦之曰止也唯正月朔慝未作日有食之於是乎有伐鼓用幣禮也其餘則否大史曰在此月也經書六月而史言在此月則知傳言正月之朔慝未作者謂此周之六月夏之四月也文十五年傳直說天子諸侯鼓幣異禮不言非常知彼言六月直六月也此亦六月而云非常下句始言唯正月之朔有用幣伐鼓之禮明此經雖書六月實非六月故云非常鼓之月長麻推此辛未為七月之朔由置閏失所故致月錯不應置閏而置閏誤使七月為六月也釋例曰莊二十五年經書六月辛未朔日有食之實是七月朔非六月故傳云非常也唯正月之朔有用幣伐鼓明此食非用幣伐鼓常月因變而

起厥誤也文十五年經文皆同而更復發傳曰非禮者明前傳欲以審正陽之月後傳發例欲以明諸侯之禮此乃聖賢之微旨而先儒所未喻也劉炫云知非五月朔者昭二十四年五月日有食之傳云日過分而未至非若是五月亦應云過分而未至也今言慝未作則是已作之辭故知非五月案二十四年八月丁丑夫人姜氏入從彼推之則六月辛未朔非有差錯杜云置閏失所者以二十四年八月以前誤置一閏非是八月以來始錯也○唯正月之

朔慝未作

在月夏之四月周之六月謂正陽之月今書六月而傳云唯者明此月非正陽月也慝陰

氣○正音政正月建巳之

疏

注正月至陰氣○正義曰昭十七年傳大史論正月之事

月慝他得反夏戶雅反○

云當夏四月是謂孟夏知正月是夏之四月周之六月也詩

云正月繁霜鄭玄云夏之四月建巳純陽用事是謂正月為

正陽之月慝惡也人情愛陽而惡陰故謂陰

為惡故云慝陰氣也未作謂陰氣未起也○日有食之

於是乎用幣于社伐鼓于朝

日食厥之常也然食於正陽之月則諸侯

用幣于社請救於上公伐鼓于朝退而自責以明陰不宜侵陽臣不宜掩君以示大義○

疏

注日食至大義○正

義曰古之厥書亡矣漢興以來草創其術三統以為五月二十三日有餘而日一食是日食者厥之常也古之聖王因事設戒夫以昭昭大明照臨下土忽爾殲亡俾晝作夜其為怪異莫斯之甚故立求神請救之禮責躬罪己之法正陽之月陽氣尤盛於此尤盛之月而為弱陰所侵故尤忌之社是上公之神尊於諸侯故用幣于社請救於上公伐鼓于朝退而自攻責也日食者月揜之也日者陽之精月者陰之精日君道也月臣道也以明陰不宜侵陽臣不宜揜君以示大義也昭二十九年傳曰故有五行之官是謂五官實列受氏姓封為上公祀為貴神社稷五祀是尊是奉故社以社為上公之神

社于門亦非常也

失常禮。

凡天災有幣無牲

天災

○秋大水鼓用牲于

日月食大水也祈疏注天災至牲也。正義曰傳言亦非請而已不用牲也常亦上日食也但日食之鼓非常月伐鼓于社非常禮大水用牲亦非常禮俱是非常故亦前也傳既亦前即發凡例知天災之言兼日食大水也天之見異所以譴告人君欲令改過脩善非為求人飲食既遇天災隨時即告唯當告請而已是故有幣無牲若乃亢旱歷時霖雨

不止然後禱祀羣神求弭災沴者設禮以祭祭必有牲詩雲
漢之篇美宣王為旱禱請自郊徂宮無所不祭云靡神不舉
靡愛斯牲是其為旱禱祭皆用牲也祭法曰埋少牢於泰昭
祭時也相近於坎壇祭寒暑也三宮祭日也夜明祭月也幽
祭祭星也雩祭祭水旱也鄭玄云凡此以下皆祭用少
牢寒暑不時則或禳之或祈之是說祈禱之祭皆用牲

日月之眚不鼓

眚猶災也月侵日為眚陰陽逆順之

疏

注眚猶至鼓之。正義曰易稱是謂災眚書稱眚災肆赦是
皆災相類故云眚猶災也月侵日為眚陰犯陽為逆逆順之
事賢聖所重故見其逆事而特鼓之此據日食為說耳傳稱
日月之眚日月並言則月食亦有鼓周禮大僕職云凡軍旅
出役贊王鼓救日月亦如之是日食月食皆有鼓也穀梁傳
曰天子救日置五麾陳五兵五鼓諸侯置三麾陳三鼓三兵
大夫擊門士擊柝左

○晉士蔿使羣公子盡殺游

氏之族乃城聚而處之

聚晉邑。聚才喻反。

冬晉侯圍聚

盡殺羣公子

卒如十蔿之計

經二十有六年春公伐戎無傳○夏公至自伐

戎無傳○曹殺其大夫無傳不稱名非其罪例在文七年**疏**二十六

稱至七年。正義曰文七年傳稱書曰宋人殺其大夫不稱名衆也且言非其罪也是仲尼新意變例也○秋

公會宋人齊人伐徐無傳宋序齊上注兵○冬十有二月

癸亥朔日有食之無傳

傳二十六年春晉士蔿為大司空大司空卿官**疏**

注大司空卿官。正義曰傳於比年以來說士蔿為獻公設計晉國以安今又言大司空明任以卿位也直言司空者是

大夫即司空亞旅皆受一命之服是也晉自文公以後世為盟主征伐諸國卿以軍將為名司空非復卿官故文二年司

空士穀非卿也雖則非卿職掌不異成十八年傳曰右行辛為司空使脩士蔿之法是其典事同也○夏士

蔿城絳以深其宮絳晉所都也今平陽絳邑縣○秋虢人侵

晉冬虢人又侵晉

為傳明年晉將伐虢張本此年經傳各自言其事者或經是直文或策書

雖存而簡牘散落不究其本未故傳不復申解但言傳事而已。牘徒木反究音救復扶又反解居蟹反

疏注

傳至而已。正義曰此年傳不解經經傳各自言事伐戎日食體例已舉或可經是直文不須傳說曹殺大夫宋齊伐徐或須說其所以此去上明已遠或是簡牘散落不復能知故耳上二十年亦傳不解經彼經皆是直文故就此一說言下以明

經一十有七年春公會杞伯姬于洮

伯姬莊公女洮魯地

洮徒刀反

疏

二十七年注伯姬莊公女。正義曰上二十五

也言女非常故於此言女以辯之

○夏六月公會齊侯宋公陳侯

鄭伯同盟于幽○秋公子友如陳葬原仲

原仲

陳大夫原氏仲字也禮臣既卒不名故稱字季友違禮會外大夫葬具見其事亦所以知議。見賢遍反

疏

原注

仲至知譏。正義曰：玉藻記云：士於君所言，大夫沒矣，則稱謚。若字桓，二年穀梁傳曰：子既死，父不忍稱其名。臣既死，君不忍稱其名。是禮臣卒不名，陳人不稱其名。故魯史亦書其字。○冬，杞伯姬來。傳：倒曰歸寧。

○莒慶來逆叔姬。無傳。慶莒大夫叔姬莊公女，卿自為逆，則稱字。例在宣五年。為于偽反。

○杞伯來朝。無傳。杞稱伯者，蓋為時王所黜。黜，勅律反。疏。注：杞稱至所黜。正義曰：

桓二年，杞侯來朝。十二年，公會杞侯莒子盟于曲池。白爾以來，不見經傳。從此稱伯，終於春秋。故云蓋為時王所黜於時。

周王當桓莊僖惠不知何王黜之。○公會齊侯于城濮。無傳。城濮，衛地，將討衛也。

音卜

傳一十七年春，公會杞伯姬于洮，非事也。諸非

侯之。天子非展義，不巡守。天子巡守，所以宣布德義。諸侯非

民事，不舉卿，非君命，不越竟。竟，音境。○夏，同盟

于幽陳鄭服也

二十二年陳亂而齊納敬仲二十五年鄭文公之四年獲成於楚皆有二年

心於齊今始服也

疏

注二十至服也。正義曰比年以來陳鄭無不服之狀此言其服故注者原之二十一年

鄭厲公卒二十五年是鄭文公之四年也文十七年傳稱鄭子家與趙宣子書云文公四年二月壬戌為齊侵蔡亦獲成

於楚是二十五年既與楚平故至此始服也

○秋公子友如陳葬原仲

非禮也原仲季友之舊也○冬杞伯姬來歸

寧也

寧問父母安否

凡諸侯之女歸寧曰來出曰來

歸

歸不反之辭

夫人歸寧曰如某出曰歸于某**疏**

凡諸至于某。正義曰釋例曰歸寧者女子既嫁有時而歸問父母之寧否父母沒則使卿歸問兄弟也出者謂犯七出而見絕者也歸者有所往之稱來者有所反之言故嫁謂之歸而寧謂之來見絕而出則以來歸為辭來而不反也如某者非終安之稱歸于某者亦不反之辭是解其文異之意也此杞伯姬寧也宣十六年鄭伯姬來歸出也文九年夫人姜

氏如齊歸寧也魯之夫人無被出者文十八年夫人姜氏歸于齊雖子死自去歸而不反亦出之類故與出同文○

晉侯將伐虢士為曰不可虢公驕若驟得勝

於我必弃其民弃民不養之無衆而後伐之欲禦我

誰與夫禮樂慈愛戰所畜也夫民讓事樂和

愛親哀喪而後可用也上之使民以義讓哀樂為本言不可力強。畜勅六反下

及注皆同哀樂音洛強其文反**疏**夫禮至用也。正義曰禮樂慈愛謂國君教民民間有此四者畜聚此事然後

可與人戰故云戰所畜也士為既言其目更以其義覆之禮尚謙讓讓事謂禮也樂以和親樂和謂樂也慈謂愛之深也

愛親謂慈也愛極然後哀喪哀喪謂愛也民間有此四事然後可用以戰

將饑言號不畜義讓而力戰。亟○王使召伯廖賜

齊侯命召伯廖王卿士賜命為侯伯。召音邵廖力彫反**疏**注召伯至侯伯。正義曰召伯稱爵

知是王之卿士召康公之封召也當在西都畿內釋劄曰扶
風雍縣東南有召亭也春秋時召伯猶是召公之後西都既
已賜秦則東都別有召地不復知其所在僖二十八年傳稱
王命尹氏王子虎策命晉侯為侯伯則知此賜齊侯命者亦
賜命為侯伯也彼注云周禮九命作伯則此亦九命之伯謂
九州之長為二伯也僖元年傳曰凡侯伯救患分災討異禮
也注云侯伯州長也彼主說齊桓之事亦謂九
州之長非州牧也言州長者兼見州牧之事耳
以其立子頹也立子頹在十九年。且請伐衛

經二十有八年春王三月甲寅齊人伐衛衛

人及齊人戰衛人敗績

齊侯稱人者諱取賂而還以賤者告不地者史失之

疏

二十八年注齊侯至失之。正義曰傳稱齊侯而經書人知其諱取賂以賤者告也詩美僖公之伐淮夷得其元龜象齒大賂南金襄十一年傳稱晉侯伐鄭受鄭之賂告於諸侯皆不以為諱而此諱之者彼服罪致賂乃以得賂為榮此舍罪受賂故以受之為恥會于稷舍宋督取郟鼎亦此之類也戰皆書地此獨不地知是史失之也莊十年公羊傳曰戰不言

伐圍不言戰人不言圍滅不言人書其重者左
韓窳邲令狐河曲鄆陵城濮大棘彭衙長岸柏
戰不書伐此書伐又書戰襄十八年諸侯同圍
伐文十五年晉卻缺伐蔡戊申入蔡書伐又書
杜不爲說皆是從告而書史有詳略無義例也
人伐衛不言齊及衛戰而言衛人及齊人戰者
人者爲客被伐者爲主以主及客故使衛人主
令狐河曲大棘彭衙長岸泓韓之屬皆以主及
內晉也柏舉內蔡而外楚也

四月下末邾子瑣卒無傳末同盟而赴以名。瑣素果反。○秋荆伐

鄭公會齊人宋人救鄭○冬築郟郟魯下邑傳例曰邑曰築

○郟亡注郟魯至曰築。正義曰國都爲上邑爲下故

悲反疏云魯下邑成十八年築鹿圍傳曰書不時也此

傳唯發城築之例不言時與不時者春秋重土功無備而興書早雩之別
作者傳每事各言時與不時以別有所備禦如書早雩之別
過雩也其有所畏懼而興作者唯一發而已十九年城西
邲傳曰懼齊也是其事也此年大無麥禾時歲饑虛恐或侵

伐故築之以備難從西
鄂之例故不發傳也

○大無麥禾

書於冬者五穀畢入
計食不足而後書也

疏

注書於至書也。正義曰麥孰於夏禾成在秋而書於
冬者計食不足而後摠書之此年不言水旱而得無麥

禾者服虔曰陰陽不和土氣不養故禾麥不成也傳言饑而
經不書者得齊之糴救民之急不至於饑也傳言饑者指未

糴之前說告糴
之意故言饑也

臧孫辰告糴于齊

臧孫辰魯大夫臧
文仲。糴徒歷反

疏

臧孫至于齊。正義曰何休云買穀曰糴告糴者將貨
財告齊以買穀魯語云文仲以幣圭與玉磬如齊告糴

曰不腆先君之敝器敢告滯積以紓執事齊人歸其玉而與
之糴公羊傳曰何以不稱使以爲臧孫辰之私行也君子之

爲國也必有三年之委一年不孰告糴饑也穀梁亦然據經
魯臣出使例不言使何以當怪此也傳言告糴禮也必不得

如二傳之說服虔云不言如重穀急辭以其情急於糴故不
言如齊告糴乞師則情緩於穀故云如楚乞師。注臧孫至

文仲。正義曰世本孝公生僖伯彊彊生哀伯
達達生伯氏餅餅生文仲辰辰是臧僖伯曾孫

傳一十八年春齊侯伐衛戰敗衛師數之以

王命取賂而還○晉獻公娶于賈無子賈姬姓國也○

烝於齊姜齊姜武公妾○烝之承反生秦穆夫人及太子

申生又娶二女於戎大戎狐姬生重耳大戎唐叔子孫

別在戎狄者○正義曰晉語云狐氏出疏注大戎至狄者○正義曰晉語云狐氏出自唐叔狐伯行之子實生重耳又曰狐偃

其舅小戎子生夷吾小戎允姓之戎子女也○疏注小戎至女也○正義曰昭九年

傳稱晉率陰戎伐潁王使辭於晉曰先王居檮杌于四裔故允姓之姦居于瓜州知戎為允姓也凡言子者適男女也知

子謂女也二戎相對為大小也晉伐驪戎驪戎男女以驪姬驪戎在京

兆新豐縣其君姬姓其爵男也納女於人歸生奚齊其曰女○驪力知反女以耽據反注曰女同

娣生卓子驪姬嬖欲立其子賂外嬖梁五與

東關嬖五姓梁名五在閨闈之外者東關嬖五別在關塞者亦名五皆大夫為獻公所嬖幸視聽外

事○卓勅角反閩音圭
闕吐達反塞素代反

使言於公曰曲沃君之宗

也

曲沃桓叔所封先君宗廟所在

蒲與二屈君之疆也

蒲今平陽蒲子縣二屈今

平陽北屈縣或云二當為北○屈勿反一音居勿反疆居良反下同

不可以無主宗邑

無主則民不威疆場無主則啓戎心戎之生

心民慢其政國之患也若使天子主曲沃而

重耳夷吾主蒲與屈則可以威民而懼戎且

旌君伐

旌章也伐功也○場音亦

使俱曰狄之廣莫於晉為

都晉之啓土不亦宜乎

廣莫狄地之曠絕也即謂蒲壬北屈也言遣二公子出都

之則晉方當大開土界獻公未決故復使二五俱說此美○復扶又反

晉侯說之夏使

天子居曲沃重耳居蒲城夷吾居屈羣公子

皆鄙

鄙邊邑。說音悅。

唯二姬之子在絳二五卒與驪

姬譖羣公子而立奚齊晉人謂之二耦

二耦相耦廣一

尺共起一伐言二人俱共墜傷晉室若此。譖責鳩反耕音似廣古曠反墜苦狠反。

○楚令尹子

元欲蠱文夫人

文王夫人息嬀也子元文王弟。蠱惑以淫事。○蠱音古惑也。

疏。蠱

夫人。正義曰昭元年傳稱周易女惑男謂之蠱知蠱謂惑以淫事。

為館於其宮側而

振萬焉

振動也。萬舞也。

夫人聞之泣曰先君以是舞也

習戎備也今令尹不尋諸仇讎而於未亡人

之側不亦異乎

尋用也婦人既寡自稱未亡人。

御人以告子元

御人

夫人之侍人

子元曰婦人不忘襲讎我反忘之秋子

元以車六百乘伐鄭入于桔柣之門

桔柣鄭遠郊之門也。

○乘繩證反桔戶
結反秩待結反
〔疏〕注桔秩至門也○正義曰此已入一門矣又云入自純門又是入一門矣

復言縣門不發則更有一門矣不發是城門則知純門外郭門桔秩遠郊門也尚書費誓序云東郊弗開是郊有門也○

子二元鬪御疆鬪梧耿之不比為旆
子元自與三子特建旆以居前

廣充幅長尋曰旆繼旆曰旒○御魚呂反本亦作禦下注反禦同疆其良反又居良反梧音吾比并里反旆蒲具反長而

亮反旆〔疏〕注子元至曰旆○正義曰軍行之次旆最在先音兆故宣十二年傳稱令尹南轅反旆是旆居前而

殿在後也釋文云緇廣充幅長尋曰旆繼旆曰旆郭璞云旆帛全幅長八尺旆帛續旆末為燕尾者鬪班王

孫游之孫喜殿
三子在後為反禦○殿丁見反衆車入自純門

及達市
純門鄭外郭門也達市郭內道上市○純如字達求龜反縣門不發楚言

而出子元曰鄭有人焉
縣門施於內城門鄭示楚以閉暇故不閉城門出兵而效

楚言故子元畏之不
諸侯救鄭楚師夜遁鄭人將

奔祠丘

許昌縣東北有祠丘城。遁徒困反。

謀告曰楚幕有烏乃止

謀間也幕帳也。謀音牒幕音莫間問廁之間。

○冬饑臧孫辰告糴于齊

禮也

經書大無麥禾傳言饑傳又先書饑在築都上者說始糴經在下須得糴嫌或諱饑故曰禮。

○築

郟非都也凡邑有宗廟先君之主曰都無曰

邑邑曰築都曰城

周禮四縣為都四井為邑然宗廟所在則雖邑曰都尊之也言凡邑

則他築

疏

注周禮至非例。正義曰周禮小司徒職云九夫為井四井為邑四邑為丘四丘為甸四甸為

縣四縣為都注引此者以證都大邑小耳經傳之言都邑者

非是都則四縣邑皆四井此傳所發乃為小邑發例大者皆

名都都則悉書曰城小邑有宗廟則雖小曰都無乃為邑邑

則曰築都則曰城為尊宗廟故小邑與大都同名釋例曰若

邑有先君宗廟雖小曰都尊其所居而大之也然則都而無

廟固宜稱城城漆是也而賴氏唯繫於有無君之廟患漆本

非魯邑因說曰漆有邾之舊廟是使魯人尊邾之廢廟與先

君同非經傳意也又解傳言凡邑則主為邑言則他築非例

也若築臺築圍築王姬之館則皆稱為築無大小之異。

經一十有九年春新延廡

傳例曰書不時言新者皆舊物不可用更造之

辭。廡。謂之廡延是廡之名名之曰延其義不可知也。正義曰馬之所處

居又反。疏。謂之廡延是廡之名名之曰延其義不可知也。公羊傳曰新延廡者何脩舊也謂舊廡敝壞不可因而補治

故言新為更造之辭也傳言新作延廡而經無作字傳二十年新作南門定二年新作雉門及兩觀皆言新作而此獨無

作是作傳之後轉寫闕文也釋例曰言新意所起言作以興事通謂興起功役之事也摠而言之不復分別因舊而與造

新也經書延廡稱新而不言作傳言新作延廡書不時也此稱經文而以不時為譏義不在作也然尋傳足以知經闕作

字也而劉賈云言新有故木言作有新木言廡不書作所用之木非公命也凡諸興造固當有新固當有因今為春秋微

義直記別此門此觀有新木故木既已鄙近且材木者立廡之具也公命立廡則眾用皆隨之矣焉有所用之木非

鄭人侵許

傳例曰無鍾鼓曰侵

秋有蜚

傳例曰為災

冬十

夏

有二月紀叔姬卒

無傳紀國雖滅叔姬執節守義故繫之紀賢而錄之

○城諸

及防

諸防皆魯邑傳例曰書時也諸非備難而與作傳皆重云時以釋之他皆放此諸今城陽縣○難乃旦反

重直

疏

城諸及防○正義曰此言城諸及防文十二年城

用反諸及鄆定十四年城莒父及宵襄十年傳晉師城梧及制同時城二邑者皆言及穀梁傳曰以及小也何休云諸君邑防臣邑言及別君臣之義賈逵云言及先後之辭杜

不為注先後之辭是也

傳二十九年春新作延廡書不時也

經無作字蓋闕凡

馬日中而出日中而入

日中春秋分也治廡當以秋分因馬向入而脩之今以春作故

曰不時○向許

疏

注日中至不時○正義曰中者謂日之長短與夜中分故春秋二節謂之春分

亮反本或作嚮○春秋分而晝夜等謂之日中凡馬春分百葦始繁則牧於坰野秋分農功始藏水寒草枯則皆還廡此周

典之制也今春而作廡已失民務又違馬節故曰書不時也

○夏鄭人侵許凡師

有鍾鼓曰伐

帶其罪

無曰侵

鍾鼓無聲

輕曰襲

掩其不備

反

疏

凡師至曰襲。正義曰釋例曰侵伐襲者師旅討罪之名也。鳴鐘鼓以聲其過曰伐。寢鐘鼓以入其竟曰

侵。掩其不備曰襲。此所以別與師用兵之狀也。然則春秋之世兵加於人唯此三名。擊鼓斬木俱名為伐。鳴鐘鼓聲其罪往討伐之若擊鼓斬木然。侵者加陵之意。寢其鐘鼓潛入其竟往侵陵之襲者重衣之名。倍道輕行掩其不備。忽然而至若披衣然立此三名制討罪之等級也。周禮大司馬掌九伐之法。賊賢害民則伐之。負固不服則侵之。天子討罪無掩襲之事。唯侵伐二名。名與禮合而禮更有七名。馮弱犯寡則皆之。暴內陵外則壇之。野荒民散則削之。賊殺其親則正之。放弑其君則殘之。犯令陵政則杜之。內外亂鳥獸行則滅之。彼謂王者行兵此據當時實事時無其事則傳不為例。其滅與入為例故不列於此。○秋有蜚為災也。凡物不為災不書

○冬十二月城諸及防書時也。凡土功龍見

而畢務戒事也

謂今九月周十一月龍星角亢晨見東方三務始畢戒民以土功事。見賢遍

反注下皆同亢
疏凡土至而畢。正義曰釋例曰都邑者

苦浪反又音剛。人之聚也。國家之藩衛。百姓之保障。不

固則敗不脩則壞。故雖不臨寇必於農隙備其守禦。無妨民

務。傳曰龍見而畢。務戒事也。謂夏之九月周之十一月龍星

角亢晨見東方。於是納其禾稼。三務始畢而戒民以土功事

也。火見而致。用大火星次角亢而晨見。於是致其用也。水昏

正而裁。謂夏之十月定星昏而中。於是樹板榦而興作焉。日

至而畢。謂日既南至微陽始動。故土功息。傳既顯稱凡例而

書時書不時。各重發者。皆以別無備而興作。如書早雩之別

過雩也。若城西郭傳特曰懼齊此其意也。然則此發例者。止
謂預脩備禦。非有當時之急。故擇間月而為之。若當時有急
則不拘此制。畢者竟也。畢務謂農務竟而民間也。日至而畢
謂土功竟也。冬至之後。當更脩來年農事。不得復興土功也。
○注謂今至功事。○正義曰今之九月則季秋也。月令季秋
之月日在房。漢書律厯志論星之度數云。角十二亢九氏十
五自角之初。至房初三十六度。晨謂夜之將旦於晨之時。日
體在房。故角亢見在東方也。東方之宿盡為龍星。角即蒼龍
角也。故角亢專得龍名。戒謂令語之也。春夏秋三時之務始
畢。民將閒暇。故預令語民。火見而致。用大火心星次角
將有土功之事。使自備也。

之物注大火至之物。正義曰襄九年傳曰心為大火星

尾末二十三度十月之初心星次角亢之後而晨見東方也

致築作之物謂板榦畚耨諸是城之所用皆致之於作所也

水昏正而栽

謂今十月定星昏而中於是樹板榦而興

長板定注謂今至興作。正義曰五行北方水故北方

多佞反

疏

之宿為水星言水昏正者夜之初昏水星有正

中者耳非北方七宿皆正中也詩云定之方中作于楚宮釋

文云營室謂之定孫炎云定正也天下作宮室者皆以營室

為正周語云營室之中土功其始是定星昏而正為土功之

大候故知水昏正謂十月定星昏而正中時也鄭玄詩箋云

定星昏中而正謂小雪時小雪十月之中氣月令仲冬之月

昏東壁中室十六度日行一度是十月半而室中十一月初

而壁中禮記中庸云栽者培之栽者樹立之語故知樹板榦

而起首興作也釋詁云榦榦也舍人曰榦正也築牆所立

兩木也榦所以當牆之兩邊鄣土者也然則榦在牆之兩端

樹立之即榦是也榦則在兩邊鄣土即板是也板榦既異而

云樹板榦者

曰南至而畢日南至微陽始

樊皮叛王

因類連言耳

樊皮周大夫樊
其采地皮名

經二十年春王正月○夏次于成

無傳將卑師少故直言次齊將

降鄆故設備○將卑子匠反降

疏

三十年注將卑至設備○正義曰於例將卑師少

戶注反下文注同鄆音章下同

稱人人謂大夫身也大夫卑名氏不見故稱人他國可言某

人魯事不得自稱魯人故魯之大夫使出者皆言其所為之

事而已此大夫帥師而次于成故直言次也穀梁傳曰

次止也有畏也欲救鄆而不能是為降鄆故設備也 ○秋

七月齊人降鄆

無傳鄆紀附庸國東平無鹽縣東北有鄆城小國孤危不能自固蓋齊遙以兵

威脅使

疏

注鄆紀至降附○正義曰公羊穀梁傳並云鄆紀之遺邑也釋例曰劉賈依二傳以為鄆紀之

遺邑計紀侯去國至此二十七年紀侯猶不堪齊而去則邑

不得獨存此蓋附庸小國若鄆鄆者也是言鄆為附庸之意

不言鄆降于齊而云齊人降鄆又不

言侵伐故云蓋以兵威脅使降附

○八月癸亥葬

紀叔姬

無傳以賢錄也無臣子故不作謚

○九月庚午朔日有食

之鼓用牲于社

無傳

○冬公及齊侯遇于魯濟

水濟

歷齊魯界在齊界為齊濟在魯界為魯濟蓋魯地○濟子禮反

疏

注濟水至魯地○正義曰釋例曰濟水自滎陽

卷縣東經陳留至濟陰北經高平東平至濟北東北經濟南至樂安博昌縣入海案高平東平魯西界也濟南樂安齊竟

內也指言魯濟故疑魯地遇于魯地濟水之邊

○齊人伐山戎

山戎北狄

傳三十年春王命虢公討樊皮夏四月丙辰

虢公入樊執樊仲皮歸于京師○楚公子元

歸自伐鄭而處王宮

欲逐盡文夫人

鬪射師諫則執

而梏之

射師鬪廉也足曰桎手曰梏○射食亦反又食夜反梏古毒反桎之實反

疏

注射師至曰梏

正義曰杜此注與譜並以射師與鬪廉為一人不知何據也服虔云射師若敖子鬪班也射師被梏不言舍之何以得殺

子元也知射師與班必非一人也杜譜以為鬪射師若敖子鬪班若敖孫周禮掌囚上罪梏桎而桎中罪桎梏下罪梏梏

琴兵文琴施於手知格亦手也鄭玄亦云在手曰格在足曰
楛是先儒同此說也易大畜六四童牛之楛牛云楛者牛雖
無手謂楛
前足也
○秋申公鬪班殺子元
申楚縣楚僭號縣尹皆稱公○僭子

念反
鬪穀於菟為令尹自毀其家以紓楚國之

難
鬪穀於菟令尹子文也毀滅紓緩也○穀奴走反楚人謂乳曰穀漢書作穀音同於音烏菟音徒紓音舒一音

直汝反難乃
且反下注同
○冬遇于魯濟謀山戎也以其病

燕故也
齊桓行霸故欲為燕謀難燕國今薊縣○為于偽反薊音計

經三十有一年春築臺于郎
無傳列奢且非土功之時○刺七賜反

○夏四月薛伯卒
無傳未同盟
○築臺于薛
無傳薛魯地

六月齊侯來獻戎捷
傳例曰諸侯不相遺俘捷獲也獻奉上之辭齊侯以獻捷禮來

故書以示過○捷在妾反
遺唯季反傳同停音乎
○疏
三十一年注傳例至示過○正義曰捷勝也戰勝而有獲

獻其獲故以捷為獲也釋例曰歸者遺也獻者自下奉上之稱遺者敵體相與之辭傳曰諸侯不相遺俘齊侯楚人失辭稱獻失禮遺俘故因其來辭見自卑也以其大卑故書以示過此經言獻捷傳言遺俘則是獻捷獻囚俘也襄八年邢上之會傳稱鄭伯獻捷于會又曰獲司馬燮獻于邢上是獻俘謂之捷也襄二十五年鄭公孫舍之帥師入陳傳稱司空致地司徒致民是不以俘囚歸也亦云子產獻捷于晉然則無囚而獻其功空有器物亦稱捷也○秋築臺于秦無傳東平范縣西北有秦亭○冬之不雨無傳不書旱不為災例在僖三年

傳三十一年夏六月齊侯來獻戎捷非禮也

凡諸侯有四夷之功則獻于王王以警于夷

以警懼夷狄○警音景懼戒懼也中國則否諸侯不相遺俘雖夷狄俘猶不以相遺

經二十有二年春城小穀小穀齊邑濟地穀城縣城中有管仲井大都以

名通者則

不繫國

疏

三十二年注小穀至繫國。正義曰傳稱爲管仲知是齊邑管仲所食采邑也吳滅州來

晉滅下陽如此之類皆不繫國知大都以名通者則不繫國也華亥向寧人于宋南里以叛南里非大都不得以名通故

繫之宋耳賈逵云不繫齊者世其祿然則彼不繫者豈皆世其祿乎

○夏宋公齊侯遇

于梁丘

齊善宋之請見故進其班梁丘在高平昌邑縣西南

○秋七月癸巳公

子牙卒

牙慶父同母弟僖叔也飲酖而死不以罪告故得書卒誓日者公有疾不責公不與小斂。酖音鴆

本亦作鴆與音預斂力豔反

○八月癸亥公薨于路寢

路寢正寢也公薨皆

書其所

疏

注路寢至凶變。正義曰公羊傳曰路寢者何正寢也喪大記曰男子不死於婦人之手婦人

不死於男子之手君夫人卒于路寢鄭立云言死必於正處也是薨于路寢得其正也言詳凶變者釋例云詳內事謹凶

變 ○冬十月己未子般卒

子般莊公大子先君未葬故不稱爵不書殺諱之也

○般音班殺音試

疏

注子般至諱之也。正義曰傳稱公疾問後於叔牙若已有大子則不應

一音如字下同

須問當問之時似未有太子也季友以死奉般酖殺叔牙蓋
 於爾時始命為太子公薨而般立知其為太子也子惡之死
 也直書子卒不書名此子般及子野皆書名者釋例曰公子
 惡魯之正適嗣位免喪則魯君也襄仲倚齊而弑之國以為
 諱故不稱君若言君之子也及子般子野或見殺或不勝喪
 言罪則不足成貶為孝而滅性故直略而書卒也又曰未成
 君而卒若君未葬則嗣子書名在喪之禮也既葬則嗣君諒
 闇羣臣復吉免喪則成君也文公既葬襄仲殺惡及視書曰
 子卒與未成君同文所以為諱也如杜此言未葬之前生則
 直稱為子死則書曰子某卒猶外諸侯生稱其爵死書其名
 以為禮之常也既葬則嗣子成君以理而卒當稱公薨全成
 君也子惡父既葬魯人諱其弑不得稱君其實已葬不得從
 子般子野未葬之例故書子卒而不稱名以示似未成君其
 實已成為君上不得同閔公下不得同般野故直書為子繫
 之於父若言君之子也公羊以為君存稱世子君薨稱子某
 既葬稱子踰年稱公據子般子野卒似欲當然但左氏稱宋
 桓公卒未葬而襄公會諸侯故曰子即發例曰凡在喪
 公侯曰子是未葬稱子傳之明文不得如公羊說也

子慶父如齊

無傳慶父既殺子般季友出奔國人與
 故懼而適齊欲以求援時無君假赴告之

○公

禮而行 ○狄伐邢 無傳邢國在廣平襄國縣 [疏] 狄伐邢注無傳。正義曰明年有傳而言無者

明年自為管仲之言發端耳非說此年伐邢之事故言無傳

傳三十二年春城小穀為管仲也 公感齊桓之德故為管仲

城私邑。為于偽反注及下同 ○齊侯為楚伐鄭之故請會于

諸侯 楚伐鄭在二十八年謀為鄭報楚 宋公請先見于齊侯夏

遇于梁上 見賢遍反又如字 ○秋七月有神降于莘 有神

聲以接人莘說地。莘所由反 [疏] 注有神至說地。正義曰易稱神也者

無形象可見今言神降則人皆聞知故知有神謂有神聲以接人也吳孫權時有神自稱王表言語與人無異而形不可

見今此神降于莘蓋亦王表之類神者氣也當在人上今下接人故稱降也國語說此事稱內史過對王云昔昭王娶於

房曰房后實有爽德協於丹朱丹朱馮身以儀之生穆王焉若由是觀之其丹朱之神乎下說神居莘而說公請土內史

過往聞號請命
知莘是號地

惠王問諸內史過曰是何故也

內史過周大夫
過古禾反

對曰國之將興明神降之監其

德也將亡神又降之觀其惡也故有得神以

興亦有以亡虞夏商周皆有之

亦有神異。監本又作鑑古暫

反疏

虞夏商周皆有之。正義曰國語內史過曰夏之興也祝融降於崇山其亡也回祿信於黔隧商之興也

禱杙次於丕山其亡也夷羊在牧周之興也鸞鸞鳴於岐山其衰也杜伯射宣王於鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞案虞書夔說舜樂所致非神降也必其傅會尚書以爲得神以興則虞舜得神以亡者又安在也

王曰若之何對曰以其物

享焉其至之日亦其物也

享祭也若以甲乙日至祭先脾玉用蒼服上青

以此類祭之
脾婢支反

疏

注享祭至祭之。正義曰此降莘之神非祀典所載神必須祭故內史過令以其物

享之其物不知所謂更以至日釋之謂此神初降之日以其
至日之物也月令春其日甲乙夏其日丙丁中央上其日戊
己秋其日庚辛冬其日壬癸所用之物月令具有其文注引
甲乙所用舉一隅也丙丁日至祭用肺玉服皆赤也戊己日
至祭用心玉服皆黃也庚辛日至祭用肝玉
服皆白也壬癸日至祭用腎玉服皆玄也

王從之內

史過往聞號請命

聞號請於神求賜土田之命

反曰號必亡

矣虐而聽於神神居莘六月

疏

神居莘六月。正義曰國語稱

惠王十五年神降于莘年表惠王五年是魯莊公之十八年
則此年惠王十五年也上云七月神降則今年七月降也居
莘六月號公使祝史享焉則今年十二月也內史過往已聞
號請命則過至號亦十二月也傳先說王事使了後論號事
以終內史之言故文倒耳

號公使祝應宗區史囂享焉神賜

之土田

祝大祝宗宗人史大史應區囂皆名。區丘子反囂五巾反大祝音泰下同

史囂曰

號其亡乎吾聞之國將興聽於民

政順民心將亡

聽於神求福於神神聰明正直而壹者也依人而

行唯德是與號多涼德其何土之能得涼薄也為僖二

音良疏神聰至能得。正義曰國語曰耳目心之樞機也故必聽和而視正聽和則聰視正則明然則所謂

聰明者不聽淫辭不視邪人之謂也襄七年傳曰正直為正

正曲為直言正者能自正直者能正人曲而壹者言其一心

不二意也依人而行謂善則就之惡則去之號多薄德神所

不應賜土而言神賜之土田者神厭其人不告初公築

以賓猶晉獻公筮以驪姬為夫人亦云吉耳

臺臨黨氏黨氏魯大夫築臺不書不告廟。黨音掌見孟任從之闕

孟任黨氏女闕不從公。闕音祕。疏。從之闕。正義曰服虔而以夫人言許之許以為夫人割臂盟公生子般焉雩講于

梁氏女公子觀之雩祭天也講肆也梁氏魯大夫女公子子般妹。肆音四又以二反疏

注雩祭至肄也。正義曰魯以周公之故得郊祀上天故雩亦祭天也。文四年傳曰臣以為肄業及之也。肄謂習業故詩

為肄

圍人犖自牆外與之戲

圍人掌養馬者以慢言戲之。犖音洛又力角

反

〔疏〕

注圍人掌養馬者。正義曰周禮圍人掌養馬。馬芻牧之事昭七年傳曰馬有圍牛有牧

子般

怒使鞭之公曰不如殺之是不可鞭犖有力

焉能投蓋于稷門

蓋覆也稷門魯南城門走而自投接其屋之構反覆門上。覆芳服

反

〔疏〕

注蓋覆至門上。正義曰稷門為魯南城門蓋時人猶以名之故知也。投蓋者謂自投其身以蓋物故以

為走而自投反覆門上劉炫規過云公言犖有力焉如杜此說勁捷耳非有力也當謂投車蓋過於稷門今知不然者周禮車蓋以物帛為之輕而帆風非可投之物且傳直云投蓋于稷門不云過稷門明知自投反覆稷門之上今時猶然且游楚超乘而出女曰子南夫也則勁捷之人亦公疾問後是勇力之事劉君以勁捷非力而規杜氏非也

於叔牙對曰慶父材

蓋欲進其同母兄

問於季友對曰

臣以死奉般

季友莊公母弟故欲立般

公曰鄉者牙曰慶父

材成季使以君命命僖叔待于鍼巫氏

成季季友也鍼

巫氏魯大夫。鄉許亮反鍼其廉反

使鍼季酖之

酖鳥名其羽有毒以畫酒飲之則死。畫音獲

疏

注酖鳥至則死。正義曰說文云酖毒鳥也一名運日廣雅云鴝鳥雄曰運日雌曰陰諧廣志曰鴝鳥形似鷹

大如鴝毛黑喙長七八寸黃赤如金食蛇及椽實常居高山巔晉語諸公讚云鴝鳥食蝮以羽翻攪酒水中飲之則殺人舊制鴝不得渡江有重法石崇為南中郎得鴝以與王愷養之大如鴝喙長尺餘純食蛇虺司隸傳祗於愷家得此鳥奏之宣示百官燒於都街是說鴝鳥之狀也以其因酒毒人故字或為酖

曰飲此則有後

於魯國不然死且無後飲之歸及達泉而卒

立叔孫氏

達泉魯地不以罪誅故得立後世其祿

○八月癸亥公薨于

路寢子般即位次于黨氏

即喪位次舍也

○冬十月己

未共仲使圉人犂賊子般于黨氏

共仲慶父
其音恭

成

季奔陳

出奔不書國
亂史失之

立閔公

閔公莊公庶子於是
年八歲。閔亡謹反

疏

注閔公至八歲。正義曰傳稱閔公哀姜之姊叔姜之子哀
姜以二十四年八月始人姊必與適俱行當以二十五年生
子故云
八歲

附釋音春秋左傳注疏卷第十



[Faint, mostly illegible text in vertical columns]

永共舟對罔人舉報于熾于...
江西南昌府學業

春秋左傳注疏卷十按勘記

阮元撰盧宣旬摘錄

附釋音春秋左傳注疏卷第十

莊二十三年盡三十二年

經二十三年

虞叔子虞公之弟

宋本子作是不誤

傳稱楚子使薳啟疆如齊

宋本疆作疆案傳文作疆

扈鄭地在滎陽

纂圖本閩本監本毛本滎誤滎淳熙本作滎亦俗字足利本作滎从火是也說詳隱

元年。後凡誤从水並改定按不悉出

傳二十三年

夫禮至不然

宋本此節正義在後嗣何觀之下

王有巡守

纂圖本毛本守作狩

經三十四年

將逆夫人故為盛飾

纂圖本闕本監本毛本逆作迎非

何以書親迎禮也

案公羊作迎闕本監本毛本誤逆

且譏僭為失禮故書之

闕本毛本僭作譖非

侯歸于鄭

補各本侯作突此本侯字誤。今訂正

稱蓋為疑辭

闕本監本毛本脫稱字

言郭公名赤

毛本赤誤亦

傳三十四年

注并非丹楹故言皆

宋本此節正義在注文以不丹楹刻補為共下

大夫蒼

案穀梁傳蒼作倉

御孫諫曰

釋文御本亦作禦漢書古今人表同

儉德之共也

案宏明集引作儉者德之恭

注傳不至非常

宋本以下正義四節摠入無乃不可乎之下

天下大夫相見以鴈

閩本監本毛本天作夫並衍文

始見於君執摯

閩本監本毛本摯作贊下節正義以禽作六摯則瑞摯司

典瑞注云瑞節信也

浦鏗正誤節作符案周禮注亦作符然說文云以瑞信也瑞以玉為

信也古瑞月二字互訓正義所據鄭注為古本而今本作符不必從也

凡贄皆以爵不以命數

閩本監本毛本命作名

今邳邾之東食之榛實似栗而小

案禮記注亦作邾宋本作刻非也毛本栗

誤力

捶之而施薑桂曰鍛脩

閩本監本毛本捶作樾非也

經二十五年

二十五年注伐至常也

各本脫二十五年四字宋本伐上有數字是也

七日用鼓非常月也

宋本作七月是也

而母弟得稱公子

閩本監本毛本得作獨非

存弟則示兄曲也

襄廿七年正義引作書弟非

傳二十五年

故女來聘

宋本淳熙本岳本閩本監本毛本女下有叔字此本脫

注非常至月錯

宋本以下正義三節摠入日有食之節注下

非若是五月

宋本監本毛本非作此是也若毛本誤日

故謂陰爲惡故云慝陰氣也

宋本謂誤爲云字毛本作日

皆以爲一百七十三日有餘而日一食

宋本監本毛本三作二元和李

鏡云作三是也宋書景初術會通七十九萬一百一十一以日法四千五百五十九除之得一百七十三日餘一千四百三之類

凡天災有幣無牲

監本天誤大

注天災至牲也

宋本以下正義二節摠入非日月之眚不鼓注下

幽禋祭星也雩禋祭水旱也

禮記禋作宗鄭注云宗當爲禋之誤正義遂改爲禋

非日月之眚不鼓

閩本監本毛本眚作眚非注及正義同

經二十六年

例在文七年

監本文作支非也

二十六年注不稱至七年 各本脫二十六年四字宋本此節正義在日有食之注下

傳二十六年

注大司空卿官 宋本此節正義在以深其官注下

經二十七年

夏六月公會齊侯宋公陳侯鄭伯同盟于幽 纂圖本闕本監本毛本六月下

脫公字

注杞稱至所黜 宋本此節正義在公會齊侯于城濮注下

傳二十七年

此杞伯姬寧也 宋本姬下有來字

故與出同文 闕本監本毛本同文誤割

夫禮至用也 宋本此節正義在號弗畜也節注下

士薦既言其目更以其義覆之 宋本目作自字按目字是也目謂禮樂慈愛四者下以讓事樂和愛親哀喪分釋之

注召伯至侯伯 宋本此節正義在且請伐衛節注下一

稱王命尹氏王子虎策命晉侯為侯伯 宋本氏下有及字與傳文合

經二十八

此舍罪受賂故以受之為恥 重脩監本舍作會非也

左無此義 宋本左下有氏字

麥孰於夏 閩本監本毛本孰作熟下不熟同

傳二十八

大戎狐姬生重耳

毛本重作仲誤

注大戎至狄者

宋本以下正義二節摠入晉人謂之二五耦注下

即謂蒲子北屈也

浦鐘正誤子作與是也北毛本誤比

鄙邊邑

山井鼎云足利本邊上後人補在字

晉人謂之二耦

補各本二耦作二五耦此本誤脫五字

蠱文夫人

宋本以下正義三節摠入諫告日節注下

子元鬪御疆鬪梧耿之不比為旆

釋文云御本亦作禦纂圖本閩本監本毛本疆誤疆

閩本監本毛本旆作旆非也

廣充幅

宋本淳熙本岳本足利本同閩本明監本毛本廣上有緇字與正義合

釋文云緇廣充幅

宋本文作天是也

旃帛續旒末爲燕尾者

閩本監本旒作旄非也

許昌縣東北有桐邱城

足利本桐作同非案水經注廿二引注許昌上有潁川二字

而潁氏唯繫於有無君之廟

宋本監本毛本無作先不誤

是使魯人尊邾之廢廟

宋本本作曩

非經傳意也

毛本意改義

經

新延廡

石經宋本岳本毛本廡作廡釋文亦作廡後同

更造之辭

淳熙本辭下有廢字案廢字當在○下因釋文而誤衍於此

通謂興起功役之事也

宋本無也字

無鍾鼓曰侵

宋本岳本閩本鍾作鐘

傳例曰爲災

毛本脫曰字

諸今城陽縣

宋本淳熙本岳本足利本城陽下有諸字是也按上諸謂經文之諸下諸謂晉時縣名之

諸

定十四年城莒父及宵

監本毛本宵作齊非也

以及小也

宋本毛本以下有大字不誤監本及字闕

傳三十九年

凡師有鍾鼓曰伐

石經宋本岳本閩本鍾作鐘下注同

若披衣然

閩本監本毛本披作被

內外亂鳥獸行則滅之

案周禮作外內亂

凡土至而畢

毛本而畢作畢務宋本以下正義四節摠入日至而畢注下

於是樹板榦而興作焉

宋本闕本榦作榦監本毛本作榦並非

謂板榦畚楬

闕本監本毛本榦作榦宋本作榦下同楬宋本作楬字按楬字說文所無乃周禮蓋

字之俗體此處當用楬

水昏正而栽

蔡氏月令章句引傳栽下有築字

周語云

宋本云作曰

然則榦在牆之兩端樹立之

宋本端下有當字

因親連言耳

補各本親作類此親字誤也今訂正

經三十年

秋七月齊人降鄆

淳熙本鄆誤彰

以爲鄆紀之遺邑

宋本監本毛本紀作杞非也

傳三十二年

注射師至楛

宋本此節正義在注紆緩也之下

下罪楛楛萃兵支

監本毛本楛楛作楛楛非也宋本兵作共不誤毛本作異亦非監本初作

異後改兵

申楚縣

宋本淳熙本足利本縣下有也字

毀滅

案毀訓滅與說文缺也壞也義合閩本監本毛本滅作滅非也

冬遇于魯濟謀山戎也

石經初刻謀下無伐字重刻增入非是

經三十一年

齊侯來獻戎捷

說文引作齊人

三十一年注傳例至示過

各本脫三十一年四字宋本此節正義在冬不雨注之下

獻其獲

宋本其下有所字

鄭公孫舍之帥師入陳

監本帥師二字誤倒

傳三十二年

經三十二年

濟地穀城縣城中有管仲井

各本地作北

飲醕而死

釋文醕本亦作鳩正義云以其因酒毒人故字或爲醕字按據說文醕樂酒也丁含切然則於

六書爲同音假借

君夫人卒于露寢

毛本于作於非

冬十月己未

閩本監本毛本已作己非

不書殺諱之也

閩本監本毛本書作言非也

既葬則嗣君諒闇

闕本監本毛本葬作喪非也

既葬則嗣子成君以理而卒

闕本監本毛本理作禮

傳三十二年

春城小穀爲管仲也

顧炎武曰知錄據范甯穀梁解以小穀爲魯邑而疑左氏之誤孫志祖云春秋

之言穀者除炎武所引外尚有宣十四年公孫歸父會齊侯于穀襄十九年晉士匄侵齊至穀又成十七年傳齊國殺慶克以穀叛則齊地之名穀而不名小穀灼然矣小穀應屬魯邑左氏不應謬誤若此後讀公羊疏云二傳作小穀與左氏異始悟左氏經本作城穀此與申無字所言齊桓公城穀而寘管仲焉語正合故杜注以爲齊邑又引濟北穀城縣中有管仲井以實之今經傳及注俱作小穀者乃後人據二傳之文而誤加之左氏也惜杜氏手定本已亡無從是正

注有神至號地

宋本以下正義五節摠入號多涼德注下

監其德也

釋文監本又作鑑案古鑑字多作監

其亡也回祿信於黔隧案後漢書楊賜傳注引作黔今國語周語作聆與說文同回毛

本誤向

年表惠王五年是魯莊公之十八年宋本五作元與年表合

上云七月神降閩本監本毛本神降二字誤倒

從之闕宋本以下正義六節摠入立閔公注下

講肆也案肆當為肆字之誤宋本纂圖本閩本監本毛本作肆正義同閩本正義故講為肆仍作肆

接其屋之桷閩本監本桷誤桷毛本作桷亦非

說文云酖毒鳥也段玉裁按改酖作鴆

廣志曰監本毛本日作云

司隸傳祗於愷家得此鳥奏之閩本監本傳誤傳

附釋音春秋左傳注疏卷第十

春秋左傳注疏卷十校勘記

附釋音春秋左傳注疏卷第十一

閔元年
盡二年

杜氏注

孔穎達疏

閔公

陸曰閔公名啓方莊公之子母叔
姜史記云名開謚法在國遭難曰閔

疏正義曰魯
世家閔公

名開莊公之子惠王十六年即位杜世族譜云名啓方漢景
帝諱啓啓開因是而亂杜譜云啓方從世本文謚法在國遭

難曰閔是歲
歲在大梁

經元年春王正月○齊人救邢○夏六月辛

酉葬我君莊公○秋八月公及齊侯盟于落

姑

落姑
齊地

季子來歸

季子公子友之字季子忠於社稷
為國人所思故賢而字之齊侯許

納故

疏

元年注季子至曰歸○正義曰季是友之字也子
者男子之美稱國人賢而思之得其還魯喜而呼

曰季子來歸史因其言而書之傳稱請復季友
齊侯許之是得齊之力齊侯許納故曰歸也

○冬齊仲

孫來

仲孫齊大夫以事出疆因來省難非齊侯命故不稱使也還使齊侯務寧魯難故嘉而字之來者事實省

難其志也故經但書仲孫之來而傳尋仲孫之志○彌居良反難乃旦反下及傳同

疏

注仲孫至之志○正義曰

傳稱仲孫湫則名湫而字仲孫也杜言以事出疆或使向他國因來省魯難非齊侯命之使來來而不稱君命故不言齊

侯使也諸侯之卿例當書名此人還國使齊侯務寧魯難明年即有高子來盟是齊侯用其言魯人知其事不書其名嘉

而字之杜云稱字嘉之則仲孫是字猶楚之孫伯或亦以孫為字也來者身來至魯是事實也省難心自省之是其志也

雖志在省難不告魯人云已省其難故經據實事但書仲孫之來傳尋仲孫之志言其來省難也

傳元年春不書即位亂故也

國亂不得成禮

○狄人伐

邢狄伐邢在往年冬

管敬仲言於齊侯曰戎狄豺狼

不可厭也

敬仲管夷吾○豺士皆反狼音郎厭一鹽反

諸夏親暱不可

弃也

諸夏中國也暱近也○夏戶雅反暱女一反

宴安酖毒不可懷也

以宴安比之酖毒。宴於見反。本又作晏音同一音。烏諫反。酖直蔭反。詩云豈不懷歸。

畏此簡書

詩小雅美文王為西伯勞來諸侯之詩。勞來力報反。下力代反。疏。戎狄

書。正義曰戎狄之心若豺狼之獸不可厭足也言其當伐戎狄也諸夏之國皆親近之人不可遺棄也言其當救邢也宴安自逸若酖毒之藥不可懷戀也言其當自勞也詩小雅出車之篇美文王勞來諸侯令賢臣出使此臣在外思歸而以王事自勉言我豈不思歸乎誠思歸也但畏此簡書來告急耳諸侯有事則書之於簡遣使執簡以告命告則須救故畏而不歸也此簡書者同有所惡則相憂之謂也請救邢以從簡書傳稱勤則不賈安則敗名齊侯縱心宴安不欲征伐安則自損其身故言酖毒以勸之釋獸云豺狗足郭璞云脚似狗說文云豺狼屬狗聲釋獸又云狼牡獬牝狼舍人曰牡名獬牝名狼陸機毛詩義疏云狼鳴能小能大善為小兒嗜聲以誘人去數十步其猛健者雖善用兵者不能免也二者皆貪殘之獸故比戎狄也。注敬仲管夷吾。正義曰敬謚謚法夙夜勤事曰敬仲字管夷吾名。注諸夏至近也。正義曰此言諸夏襄四年傳魏絳云諸華必叛華夏皆謂中國也中國而謂之華夏者夏大也言有禮儀之大有文章之

華也暉近釋詁文舍人曰暉戚之近也言中國諸侯情親而路近

簡書同惡相恤之

謂也

同恤所惡

請救邢以從簡書齊人救邢○夏

六月葬莊公亂故是以緩

十一月乃葬

○秋八月公

及齊侯盟于落姑請復季友也

閔公初立國家多難以季子忠

賢故請霸主而復之

齊侯許之使召諸陳公次于郎以待

之

非師旅之事故不書次

季子來歸嘉之也○冬齊仲孫

湫來省難

湫仲孫名○湫子小反

書曰仲孫亦嘉之也仲

孫歸曰不去慶父魯難未已

時慶父亦還魯○去起呂反下同

公

曰若之何而去之對曰難不已將自斃

斃路也○斃婢

世反蹄薄比反

君其待之公曰魯可取乎對曰不可猶

秉周禮周禮所以本也臣聞之國將亡本必

先顛而後枝葉從之魯不棄周禮未可動也

君其務寧魯難而親之親有禮因重固

能重能固

則當就成之

疏

注能重至成之。正義曰服虔云重不可動因其不可動而堅固之杜以此傳四句相類問攜

貳攜貳皆問之覆昏亂昏亂皆敗之知此重固皆因之則非因重而固之

問攜貳

離而相疑者則當因而問

之。問問屬

覆

昏亂

覆敗也。覆芳服反注同

霸王之器也

霸王

所用故以器為喻。王于況反注同

晉侯作二軍

晉本一軍見莊十六年。見賢遍反

將上軍大子申生將下軍趙夙御戎畢萬為

右

為公御右也夙趙衰兄畢萬魏擘祖父。將子匠反下及注同衰初危反擘尺由反

疏

注為公至祖父。正

義曰史記趙世家夙生共孟孟生趙衰晉語云趙衰先君之戎御趙夙之弟也杜以夙為衰兄從晉語也魏世家畢萬生

武子世本畢萬生芒季季生武仲州州以滅耿滅霍滅

魏平陽皮氏縣東南有耿鄉永安縣東北有還為大

子城曲沃賜趙夙耿賜畢萬魏以為大夫士

為之極又焉得立位以卿謂將下軍。還不如逃之

無使罪至為吳大伯不亦可乎子知其父欲立季

歷故讓位而適吳。大音泰注大伯至適吳。正義曰

仲雍皆周大王之子而王季歷之兄也季歷賢而有聖子昌

大王欲立季歷以及昌於是大伯仲雍二人乃奔荆蠻以辟

季歷季歷果立是為王季言猶有令名與其及也

去猶有令名勝有善名與其留而及禍也何者為勝勸

於留而及禍正義曰言逃雖失國猶

之使 且諺曰心苟無瑕何恤乎無家天若祚

大子其無晉乎為晉殺中生傳。十偃曰畢萬之

後必大十偃晉掌萬盈數也魏大名也疏萬盈



也。正義曰以算法從一至萬每十則改名至萬以後稱一

萬十萬百萬千萬萬萬始名億從是以往皆以萬為極是至

萬則數滿也論語云巍巍乎其有成功是巍為高大之名

以是始賞天啓之矣天子曰兆民諸侯曰萬民今名之大以從盈數

其必有眾以魏從萬有眾象初畢萬筮仕於晉遇屯

 震下坎上屯 之比  坤下坎上比屯初九變而為

疏遇屯之比。正義曰震下坎上為屯說卦云震動也坎

而地受之相親比之象也 辛廖占之曰吉辛廖晉大夫廖力彫反

疏

注辛廖晉大夫。正義曰杜云辛廖晉大夫則以畢萬筮仕在晉國而筮劉炫云若在晉國而筮何得云筮仕

於晉又辛甲辛有並是周人何故辛廖獨為晉大夫今知不然者傳以畢萬是畢國子孫今乃筮仕於晉言於晉以對畢

耳非謂筮時在他國也案昭十五年傳云及辛有之二子董之晉於是乎有董史注云辛有周人二子適晉為大史則辛

氏雖出於周枝流於晉劉炫用服氏之說以為畢萬在周筮仕於晉又以晉國不得有姓辛而規杜過其義非也

屯 固比人吉孰大焉其必蕃昌 屯險難所以為堅固比親密所以得人。蕃音

煩 震為土 震變為坤 車從馬 震為車 坤為馬 **疏** 注震為車坤為馬 正義曰晉語云可

空季子占公子重耳之筮云震車也坤彖云利牝馬之貞是坤為馬也下注震為足震為長男坤為母坤為眾皆說卦文

也 足居之 震為足 兄長之 震為長男 母覆之 坤為眾 長丁丈反

歸之 坤為眾 六體不易 初一爻變有此 合口而能固安 六義不可易也

而能殺公侯之卦也 比合屯固坤安震 **疏** 注比合殺故曰公侯之卦 至之卦

正義曰震之為殺傳無明文晉語云震車也車有威武昭一十五年傳云為刑罰威獄以類其震曜殺戮是震為威武殺戮之意故

震為殺也公侯之子孫必復其始畢萬公高之後傳為魏之子孫衆多

疏必復其始。正義曰萬是畢公之後公侯之子孫必當復其初始言此人子孫又將為公侯也及春秋之

後三家分晉而魏為諸侯是其筮之驗也

經一一年春王正月齊人遷陽無傳陽國名蓋齊人偪徙之**疏**

注陽國至徙之。正義曰世本無有陽國不知何姓杜世族譜土地名闕不知所在與宋人遷宿文同知陽是國名蓋齊

人偪遷之。○夏五月乙酉吉禘于莊公三年喪畢致新死者之主於廟

廟之遠主當遷入禘因是大祭以審昭穆謂之禘莊公喪制未闕時別立廟廟成而吉祭又不於大廟故詳書以示譏。

禘大計反禘他彫反昭上**疏**注三年至示譏。正義曰僖

篋反闕苦亢反大廟音泰三十三年傳曰凡君薨卒哭

而祔祔而作主特祀於主烝嘗禘於廟禘祀為吉祭說喪事而言禘知禘是喪終而吉祭也襄十五年晉悼公卒十六年

傳稱晉人答穆叔云以寡君之未禘祀知三年喪畢乃為禘也喪畢而為禘祭知致新死之主於廟也新主入廟則遠主當遷知其遷入祫者祭法云天子七廟有二祫則祫是遠祖廟也周禮守祫掌守先王先公之廟祫其遺衣服藏焉廟之遠主其廟既遷主無所處固當遷入祫也鄭玄以二祫為文王武王之廟遷主入廟當各從其班穆入文祫昭入武祫禮諸侯五廟更無別祫則常謂太祖之廟為祫也遠主初始入祫新死之主又當與先君相接故禮因是而為大祭以審序昭穆故謂之禘禘者諦也言使昭穆之次審諦而不亂也莊公以其三十二年八月薨至此年五月唯二十二月故喪制不闕也公羊傳曰其言于莊公何未可以稱宮廟也曷為未可以稱宮廟在三年之中矣三年之中未得以禮遷廟而特云莊公知為莊公別立廟廟成而吉祭也僖八年禘于大廟文二年大事于大廟宣八年有事于大廟彼言大事有事亦禘祭也則禘禮必于大廟今未可以吉祭而為吉祭又不于大廟故詳書以示譏也既云吉禘又云于莊公是其詳也

○秋八月辛丑公薨

實弑書薨又不地者皆史策諱之

○九月夫人

姜氏孫于邾

哀姜外淫故孫稱姜氏○孫音遜注同

疏

注哀姜至姜氏正義曰此決莊

元年夫人孫于齊不稱姜氏也賈服之說皆以為文姜殺夫
罪重故去姜氏哀姜殺子罪輕故不去姜氏故杜為此言以
異之言外淫者
謂以外姓為淫

○公子慶父出奔莒
○冬齊

高子來盟
無傳蓋高侯也齊侯使來平魯亂僖公新立
因遂結盟故不稱使也魯人貴之故不書名

子男子之美稱
○美稱尺證反
疏 注蓋高至美稱○正義曰莊二十二年
及齊高侯盟于防自爾以來不見經傳

故云蓋高侯也往年仲孫湫勸齊侯使寧魯難今而高子適
魯知齊侯使來平魯亂也當齊侯初命高子之時慶父未出
僖公未立及其至魯僖公新立因遂與魯結盟而立之不
云齊侯使者盟非齊侯之命故不稱使也齊侯不使之盟而
高子輒為盟者齊侯使之來平魯亂新君既立遂盟而安之
亦足稱齊侯之意其盟非專擅也魯人不能自安高子盟以
安之魯人貴之故不書其名子者男子之美稱故呼之曰高
子穀梁傳曰其曰來喜之也其曰高子貴之也盟立僖公也
然則盟立僖公必僖公共盟不言公及齊高子盟者桓十四
年鄭伯使其弟語來盟文十五年宋華孫來盟皆不言公及
則不書公者春秋之常也晉荀庚衛孫良夫並為來聘
既行聘禮更與公盟非是直為盟來故聘後別言及耳

○十

有一月狄入衛書入不能有其地

○鄭棄其師高克

見惡久不得還師潰而克奔陳故克狀

疏注高克至魯也正義曰此事詩

其事以告魯也○惡烏路反潰戶內反

序具焉大夫出奔多是本國來告傳稱晉侯使以殺大子申

生之故來告又衛殺孔達告於諸侯是其本國告也宣十年

傳例曰凡諸侯之大夫違告於諸侯曰某氏之守臣某失守

宗廟敢告是大夫私家之告辭昭二十六年王子朝奔楚傳

稱告于諸侯是奔者自告也此鄭文公心惡高克而欲得遠

之克既奔陳無罪可告故杜以為高克自狀其事以告魯魯

史以為克若將師出奔是為棄師之道不書高克出奔而書

鄭棄其師者案詩序云公子素惡高克進之以禮文公退

之不以道危國亡師之本是棄其師也穀梁傳曰

鄭棄其師惡其長也兼不反其眾則是棄其師也

傳二年春虢公敗犬戎于渭汭

犬戎西戎別在中國者渭水出隴西

東入河水之隈曲曰汭

疏注犬戎至曰汭○正義曰西方

○汭如銳反隈鳥回反日戎知犬戎是西戎別在中國

者也釋例曰渭水出隴西狄道縣鳥鼠同穴山東經南安天

內為隕外為隈李巡曰厓內近水為隕孫炎云內隈曲裏也
彼雖不言泃泃即隕也而泃字以內為聲明是水之隈曲之
也舟之僑曰無德而祿殃也殃將至矣遂奔

晉

舟之僑號大夫
僑音喬注同

○夏吉禘于莊公速也○初

公傳奪卜齋田公不禁

卜齋魯大夫也公即位年八
歲知愛其傳而遂成其意以

奪齋田齋忿其傳并及公

疏

注卜齋至因之○正義曰莊
公三十二年注云閔公於是

年八歲此云即位年八歲者閔公之年歲傳文不明服虔於
莊三十二年注云閔公於是年九歲於此注云公即位時年
九歲僖二年注云閔公死時年九歲杜知其不可故於莊公
之末注言年八歲以異之嗣子位定於初喪言即位者亦謂
初立之
年也 秋八月辛丑共仲使卜齋賊公子武闈

宮中小門謂之闈○共
音恭闈音韋一音暉

疏

注宮中小門謂之闈○正義曰
釋宮云宮中之門謂之闈其小

者謂之闈小闈謂之闈彼就小門之內更別以為二名大率
宮中之門皆小故云宮中小門也名之曰武則其義未聞○

成季以僖公適邾

僖公閔公庶兄成風之子

共仲奔莒乃入立

之以賂求共仲于莒莒人歸之及密使公子

魚請

密魯地瑯琊費縣北有密如亭公子魚奚斯也○費音秘又扶未反

不許哭而往

共仲曰奚斯之聲也乃縊

慶父之罪雖重季子推親親之恩欲同之叔牙

存孟氏之族故略其罪不書殺又不書卒○縊一賜反

疏

注慶父至書卒○正義曰叔牙云慶父材者始有黨

慶父之心本其惡未顯見故季子隱之而書其卒若自死然慶父弑二君其罪已彰著計當書其誅殺季子推親親之恩

欲同之叔牙存孟氏之族故略其罪不書殺也又不可全同叔牙故又不書卒慶父子孫終為孟氏是季子推親親之恩

枉正法耳 閔公哀姜之姊叔姜之子也故齊人立

之共仲通於哀姜哀姜欲立之閔公之死也

哀姜與知之故孫于邾齊人取而殺之于夷

以其尸歸

為僖元年齊人殺哀姜傳夷魯地。與音預孫音遜

僖公請而葬之

哀姜之罪已重而僖公請其喪還者外欲固齊以居厚内存母子不絕之義為國家之大計

○成季之

將生也桓公使卜楚丘之父卜之

卜楚丘魯掌卜大夫

曰

男也其名曰友在公之右

在右言川事

問于兩社為

公室輔

兩社周社亳社兩社之間朝廷執政所在。亳步各反

〔疏〕

注兩社至所在正義曰王者取

五色之土封以為社若封諸侯隨方割其土包之以白茅賜之使立國社魯是周之諸侯故國社謂之周社哀四年亳社災是魯國有亳社穀梁傳曰亳社者亳之社也亳云國也亡國之社以為廟屏戒也則亳社在宗廟之前也周禮大宗伯掌建國之神位右社稷左宗廟則諸侯亦當然定二年雉門及兩觀災則兩觀在雉門外也禮運云昔者仲尼與於蜡賓事畢出遊於觀之上蜡祭在廟故出廟而遊於觀也由此言之宗廟社稷在雉門之外分左右廟也鄭玄考按禮文以為魯制三門庫雉路天子諸侯皆三朝圖宗人之嘉事則有路寢庭朝日出視朝則在路門之外其詢國危詢國遷詢立君

周禮朝士所掌外朝之位者乃在雉門之外耳雉門之外左有亳社右有周社間於兩社是在兩社之間朝廷詢謀大事則在此處是執季氏亡則魯不昌疏季氏亡則魯不昌正義

曰服虔云謂季友出奔魯弑二君案傳子般既死乃云成季奔陳閔公既死乃云成季適邾皆君死乃出奔非由出奔乃致君死杜雖無注義必不然當謂季友子孫與魯升降從此以後季氏世為上卿終於春秋禮記稱悼公之喪季昭子問為君何食以後雖則無又筮之遇大有三三疏乾下離之文當是與魯俱滅也

乾 乾下乾上乾大有曰同復于父敬如君所

筮者之辭也乾為君父離變為疏注筮者至君同正義乾故曰同復于父見敬與君同疏曰此雖六五爻變不取周易之文筮者推演卦意自為其辭也離是乾子遷變為乾故云同復于父言其尊與父同也國人敬之其敬如君之處所言其貴與君同也說卦乾為君父言其身之尊則云同復于父言其為人所敬則云敬如君所屬意異故分為二也

及生有文在其手曰友遂以命之遂以冬十

二月狄人伐衛衛懿公好鶴

疏

衛懿公好鶴。正義曰陸機毛

詩義疏云鶴形狀大如鴉長腳青翼高三尺餘赤目赤頰喙長四寸餘多純白或有蒼色蒼色者今人謂之赤頰常夜半鳴故淮南子曰雞知將旦鶴知夜半其鳴高亮聞八九里雌者聲差下今吳人園囿中及士大夫家皆養之

鶴

有乘軒者

軒大夫車。好鶴呼報反下戶各反軒許元反

疏

注軒大夫車。正義曰定十三

年傳稱齊侯斂諸大夫之軒故杜云軒大夫車也服虔云車有藩曰軒

將戰國人受甲

者皆曰使鶴鶴實有祿位余焉能戰公與石

祁子玦與甯莊子矢使守

莊子甯速也玦玉玦。焉於虔反玦古穴反守

手又反下告守及注同曰以此贊國擇利而為之

贊助也玦示以當決

斷矢示以禦難。斷丁亂反難乃旦反

與夫人繡衣曰聽於二子

取其文章

順渠孔御戎子伯為右黃夷前驅孔嬰齊殿

傳言衛侯失民有素雖臨事而戒猶無所及○殿丁練反及狄人戰于熒澤衛師

敗績遂滅衛此熒澤當在河北君死國散經一不書滅者狄不能赴衛之君臣皆盡無復文告齊桓

為之告諸侯言狄已去言衛之存故但以人為文○熒戶局反無復扶又反下復逐同為之于偽反下文為衛同

注此熒澤當在河北○正義曰禹貢豫州熒波既豬導沅水入于河溢為熒是熒在河南此時衛都河北為狄所敗乃東徙

渡河故知此熒澤當在河北但沅水入河乃泆被河南多故專得熒名其北雖少亦稱熒也衛侯不

去其旗是以甚敗狄人囚史華龍滑與禮孔

以逐衛人二人曰我大史也實掌其祭不先

國不可得也夷狄畏鬼故恐言當先白神○去起呂反藏也一云除也華胡化反大音秦恐上勇

反乃先之至則告守曰不可待也守石甯二大夫夜

與國人出狄人衛遂從之又敗諸河衛將東走渡河狄復

逐而蓋年十五六初惠公之即位也少少詩照反疏注蓋年十五六

正義曰衛宣公以隱四年立桓十二年卒終始二十年耳即位之後乃納急子之妻生壽及朔朔既有兄知其蓋年十五

六耳齊人使昭伯烝於宣姜不可強之昭伯惠公庶兄宣公

子頑也昭伯不可烝之承反強其丈反生齊子戴公文公宋桓夫人

許穆夫人文公為衛之多患也先適齊及敗

宋桓公逆諸河迎衛敗衆宵濟夜渡畏狄衛之遺民男女

七百有三十人益之以共滕之民為五千入

共及滕衛別立戴公以廬于曹廬舍也曹衛下邑戴公名申立其年卒而立文

公廬力居反于曹詩作漕音同疏注廬舍至文公正義曰周禮秋官野廬氏掌道路宿息地官遺人云凡

國野之道十里廬廬有飲食是廬為舍也廬于曹者言隨宜寄舍耳曹邑雖闕不知其處當在河東近楚丘也戴公名

申世本世家文經傳皆云十二月狄人衛衛人東徙渡河收
集離散乃立戴公此年之末文公即位計戴公為君不過十
數日耳言立一年卒者滅而復興不是嗣位故成喪為謚文
公繼世而立明年始為元年故戴公雖復日少亦稱一年年
表亦以此年為戴公元年許穆夫人賦載馳載馳詩衛
年今定本云以其年卒許穆夫人賦載馳風也許穆
夫人痛衛之亡思歸唁之不齊侯使公子無虧帥
可故作詩以言志。唁音彥

車二百乘甲士三千人以戌曹無虧齊桓公子武
孟也車甲之賦異

於常故傳別見之。虧去危反歸公乘馬祭服五稱
乘繩證反下及注同見賢遍反

牛羊豕雞狗皆二百與門材歸遺也四馬曰乘衣
單復具曰門材使

先立門戶。稱尺證反反狗音苟疏注歸遺至門戶。正
義曰歸者不反之辭

遺于乘反單複音丹下方服反故為遺也周禮校人云乘馬一師四圍圍養一馬故云四馬
曰乘以乘車并師五人必駕四馬故也喪大記曰袍必有表

不禪衣必有裳謂之一歸夫人魚軒魚軒夫人車
稱是衣禪複具曰稱以魚皮為飾疏

注魚軒至爲飾。正義曰詩云象弭魚服此云魚軒則用魚爲飾其皮可以飾器物者唯魚獸耳故云以魚皮爲飾陸機毛詩義疏云魚獸似猪東海有之其皮背上有班文腹下有純青今人以爲弓韃步叉者也其皮雖乾燥爲弓韃矢服經年海水將潮及天陰毛皆起水潮還及晴則毛復如故雖在數千里外可以知海水之潮自相感也。重錦三十一兩。重錦錦之熟細者以二丈雙行故曰兩三十兩三十匹也。疏。注重錦至匹也。○牢也杜以其遺夫人貴美不貴牢故以爲錦之熟細者雜記曰納幣一束束五兩兩五尋八尺曰尋則五尋四丈謂之兩者分爲兩段故也謂之匹。○鄭人惡高克使帥師次者兩兩合卷若匹偶然也。

于河上久而弗召師潰而歸高克奔陳。高克鄭大

夫也好利而不顧其君文公惡之而不能遠故使帥師而不召。惡鳥路反注同好呼報反遠于萬反。鄭人

爲之賦清人。清人詩鄭風也刺文公退臣不以道危國亡師之本。○爲于僞反。○晉

侯使大子申生伐東山臯落氏。赤狄別種也臯落其氏族。○臯古刀

反種章

疏

注赤狄至氏族。正義曰狄有赤狄白狄成十三年傳晉侯使呂相絕秦云白狄及君同州則

白狄與秦相近當在晉西此云東山當在晉東宣十五年晉師滅赤狄潞氏潞則上黨潞縣在晉之東此云伐東山皐落

氏知此亦在晉東是赤狄別種也皐落其氏族也此族之人狄之渠帥也

里克諫曰天子

奉冢祀社稷之粢盛

里克晉大夫冢大也。粢盛上音咨下音成

以朝

文視君膳者也

膳廚膳。朝如字又張遙反膳市戰反

疏

注膳廚膳。正義曰鄭玄

膳夫注云膳之言善也今時美物曰珍膳是膳者美食之名厨者造食之處故云膳厨膳也禮記云文王之為世子食上

必在視寒煖之節食下問所膳命膳宰然後退是太子朝夕視君膳者也

故曰冢子君行則

守有守則從從曰撫軍守曰監國古之制也

夫帥師專行謀

帥師者必專謀軍事。則守手又反下同從才用反下同監古衛反

誓

軍旅

宣號

君與國政之所圖也非天子之事

也

國政正卿

師在制命而已

命將軍所制

稟命則不威

專命則不孝故君之嗣適不可以帥師君失

其官帥師不威將焉用之

大子統師是失其官也專命則不孝是為帥必

不威也。適丁歷反本又作嫡下配適同焉於虔反

且臣聞臯落氏將戰君

其舍之公曰寡人有子未知其誰立焉不對

而退見大子大子曰吾其廢乎對曰告之以

臨民

謂居曲沃

教之以軍旅

謂將下軍。謂將子匠反下將上軍並同

不共

是懼何故廢乎

疏

對曰告之至廢乎。正義曰克謂大子還曲沃告百姓以臨示下民

之事并教之軍旅之法不共是二事為懼矣何故憂其廢乎

且子懼不孝無懼弗

得立脩己而不責人則免於難大子帥師公

衣之偏衣

偏衣左右異色其半似公服。共音恭本又作供難乃旦反下同公衣之偏於既反下衣

身之偏衣之純衣之龍服注衣之同

疏

注偏衣至公服。正義曰下云服其身則衣之純言此偏衣不純知其左

右異色也又云衣身之偏言公以身穿之偏半衣大子知其半似公服也

佩之金玦

以金為玦

狐

突御戎先友為右

狐突伯行重耳外祖父也為申生御申生以大子將上軍

梁餘

子養御罕夷先丹木為右

罕夷晉下軍卿也梁餘子養為罕夷御

羊

舌大夫為尉

羊舌大夫叔向祖父也尉軍尉。向許文反

先友曰衣身

之偏

偏半也

握兵之要

謂佩金玦將上軍

在此行也子其

勉之偏躬無慝

分身衣之半非惡意也。慝他得反

兵要遠災

威權在已

可以遠害。遠于萬反注及下同

親以無災又何患焉狐突歎曰

時事之徵也

歎以先友為不知君心

衣身之章也

章貴賤

佩

衷之旗也

旗表也所以表明其中
心○衷音忠旗音其

故敬其事則命

以始

賞以春夏

服其身則衣之純

必以純色為服

用其衷則

佩之度

衷中也佩玉者
士君子常度

今命以時卒闕其事

也

冬十二月闕盡之時○闕音秘

衣之龙服遠其躬也

龙雜色○龙莫江反

佩

以金玦弃其衷也服以遠之時以闕之龙涼冬

殺金寒玦離胡可恃也

寒涼殺離言無溫潤
玦如環而缺不連

雖

欲勉之狄可盡乎梁餘子養曰帥師者受

命於廟受賑於社

賑宜社之肉盛以賑器○賑市軫反祭社之肉盛音成

有

常服矣不獲而龙命可知也

韋弁服軍之常也龙偏衣

死而

不孝不如逃之罕夷曰龙奇無常

雜色奇怪非常之服

金

决不復雖復何爲君有心矣

有害大子之心

先丹木

曰是服也狂夫阻之

阻疑也言雖狂夫猶知有疑○阻莊呂反

曰盡敵

而反

曰公辭○盡子忍反下盡敵同

敵可盡乎雖盡敵猶有內

讒不如違之

違去也

狐突欲行

行亦去也

羊舌大夫

曰不可違命不孝弃事不忠雖知其寒惡不

可取子其死之

寒薄也

〔疏〕

狐突至死之○正義曰傳之上下諸言某御戎某爲右者

謂國君自將太子亦然者攝君之事故與君同文也傳歷言將帥御右者以下各有言故此舉其目先友不知君有害太子之心故推此衣佩以爲善事勸之狐突歎先友不知君意乃極言時衣佩三者反覆以答之罕夷唯舉服佩二事故云尤奇無常金玦不復也其梁餘子養先丹木唯言服舉其重者故子養云不獲而尤命可知也先丹木云是服也狂夫阻之是皆勸大子之行也狐突以衆言同已故決意欲行羊舌大夫乃以忠孝之事勸之使留各以意之所見故其言或

深或淺○注羊舌至軍尉○正義曰羊舌氏也魯爲大夫號曰羊舌大夫不知其如何也此人生羊舌職職生叔向故爲叔向祖父譜云羊舌氏晉之公族羊舌其所食邑也或曰羊舌氏姓李名果有人盜羊而遺其頭不敢不受受而埋之後盜羊事發辭連李氏李氏掘羊頭而示之以明己不食唯識其舌舌存得免號曰羊舌氏也或曰者不知誰爲此言杜所不從記異聞耳○服以至恃也○正義曰服以遠之覆上衣之尫服也時以闕之覆上命以時卒也上先時後服此先服後時者以下連尫涼冬殺之文又欲使冬殺與金寒相近冬殺是時故退之在下言尫涼則申上衣之尫服也冬殺則申上命以時卒也尫涼據服冬殺據時耳金寒玦離申上佩以金玦也金是秋之寒氣故言金寒也○注脹宜至脹器○正義曰釋天云起大事動大衆必先有事乎社而後出謂之宜知出兵必祭社祭社名爲宜周禮大宗伯以脹膳之禮親兄弟之國定十四年天王使石尫來歸脹知脹是器物可執之以賜人也今言受脹於社明是祭社之肉盛以脹器賜元帥也地官掌蜃祭祀共蜃器之蜃鄭玄云蜃大蛤蜃之器以蜃飾因名焉○注阻疑也○正義曰劉炫云阻疑以意訓耳今言猶云阻疑是阻得爲疑也言雖狂夫猶知於此服有疑也服虔云阻止也方相之士蒙玄衣朱裳主索室中毆疫號之

為狂夫止此服言君與大子以狂夫所止之服衣之晉語云且是之衣也狂夫阻之衣也韋昭云狂夫方相氏之士也阻古詛字也將服是衣必先詛之是由無正訓各以意解劉以為方相氏狂夫所服立衣朱裳左右同色不得為偏衣也當服此衣非是意所止也詛乃服之文無所出故杜別為此解○注曰公辭○正義曰言公辭者當以公賜之偏衣金玦推其義理原公之意而為之作辭非公出言作此辭也

昔辛伯諗周桓公○諗音審說文云深謀云內寵

並后外寵二政嬖子配適大都耦國亂之本

也周公弗從故及於難今亂本成矣驪姬為內寵二五為

外寵奚齊為嬖子曲沃為大都故曰亂本成矣疏注驪姬至成矣○正義曰辛伯

為晉發故劉炫云二五嬖賤不得為二政大子不以曲沃作亂不得為大都而杜云驪姬為內寵二五為外寵奚齊為嬖

子曲沃為大都者今剛定以為辛伯之言雖不為晉要晉國之亂事理相當故且以事託之二五為耦墜傷晉室曲沃彊

大太子奔之又築屈與蒲終為禍難但此據太子故立可
以曲沃為文劉君不達此時而為規過違傳意也

必乎孝而安民子其圖之奉身為孝不戰為安民與其危

身以速罪也有功益見害故言疏孝而至罪也。正義曰去則孝而安

民留則危身召罪等與其危身以召罪也豈若孝而安民乎勸使逃也○成風聞成季之

絲乃事之成風莊公之妾僖公之母也而屬僖公絲卦兆之占辭。絲直救反

焉故成季立之欲反○僖之元年齊桓公遷

邢于夷儀二年封衛于楚丘邢遷如歸衛國

忘亡忘其滅亡之困○衛文公大布之衣大帛之冠大布

纛布大帛厚繪蓋用諸侯諒闇之服。衛文公大布之衣本或作衣大布之衣誤。繪疾陵反諒音良又音亮務

材訓農通商惠工加惠於百工敬教勸學授賞其利器用

方任能

方百事之宜也

疏

務材至任能。正義曰務材務在植材用也。訓農訓民勸農業也。通商通

商賈之路令貨利往來也。惠工加恩惠於百工賞其利器用也。敬教敬民五教也。勸學勸民學問也。授方授民以事皆有

方法也。任能其所委任信能用人也。

元年革車三十乘季年乃三

百乘

衛文公以此年冬立齊桓公始平魯亂故傳因言齊之所以霸衛之所由興革車兵車季年在僖二十五

年蓋招懷逆散故能致十倍之衆。乘繩證反下同。逆必諍反。

附釋音春秋左傳注疏卷第十一



江西南昌府學棗

春秋左傳注疏卷十一按勘記 阮元撰盧宣旬摘錄

附釋音春秋左傳注疏卷第十一 閔元年盡二年宋本春秋正義卷十後並同石經春

秋經傳集解閔公第四盡二年

閔公

經元年

元年注季子至曰歸 宋本無元年二字

傳元年

詩小雅美 宋本淳熙本岳本足利本美作也

戎狄至簡書 宋本以下正義三節摠入齊人救邢句下

狼牡羴牝狼 也 山井鼎云宋板牝作牡下同按作牡狼非

善爲小兒暗聲

閩本監本毛本作暗宋本作啼是也

其猛健者

宋本作健閩本監本毛本作捷

夷吾名

宋本名下有也字

時慶父亦還魯

宋本淳熙本足利本亦有已字

大伯周大王之適子

釋文云適本又作嫡淳熙本作嫡

乃奔荆蠻以辟季歷

宋本辟作辟不誤○今訂正

是巍爲高大之名

宋本作是巍巍魏二字一正一俗今人分別其音古夫則字形字音皆不

別

畢萬公高之後

宋本淳熙本足利本作萬畢是也

經二年

廟成而吉祭

纂圖本毛本吉作言誤

傳二年

言即位者亦謂初立之年也

監本毛本年誤命

宮中之門謂之衛

宋本監本毛本衛作闈不誤。今訂正

小閨謂之閤

毛本閤作閤非也

外欲固齊以居厚

淳熙本以作已按以已古通用

分左右廟也

宋本廟作廂不誤

季氏亡則魯不昌

宋本無此七字

衛懿公好鶴

宋本無此五字

及狄人戰于熒澤

監本毛本熒作榮非案宋監本毛本注文作熒正義誤榮

故但以人爲文

宋本淳熙本岳本足利本人作入是也

是熒在河南

宋本無是熒二字非也

立戴公以廬于曹

釋文云曹詩作漕音同案詩鄭箋引亦作漕惠棟云詩序曹字從水旁曹傳作曹古文省也按說文漕者水轉穀也地名字不必从水今本毛詩鄭箋恐非

鄭箋恐非

戴公名申

宋本申作甲案史記衛世家作申

立其年卒

正義云今定本作以其年卒按其年卒據正義則孔本作一年卒故發明之今本作其誤

掌道路宿息

監本毛本重掌字脫路字

言立一年卒者

宋本無立字

衣單複具曰稱

案儀禮士喪禮釋文引單作禪正義本作禪

袍必有表不禪

監本毛本禪誤禪下同

魚獸似豬

閩本監本毛本豬改猪

其皮雖乾燥為弓韃矢服

浦鏜據詩正義雖改難為上增以字

自相感也

浦鏜據詩正義自上增氣字

故以為錦之熟細者

宋本熟作孰

晉侯使大子申生

纂圖本毛本侯誤人

從曰撫軍

顧炎武云石經軍誤國案石經此處闕炎武所據乃繆刻也

故君之嗣適

釋文適本又作嫡下配適同

脩已而不責人

石經宋本岳本已作己不誤石經人字上有於字似後人所增

時以闕之

淳熙本闕誤也

虺涼

案惠棟云說文引作虺涼云虺白黑雜毛牛涼虺牛也古文省少或借涼為涼沈彤云案廣韻涼虺牛駁色蓋

說文脫駁色二字牝犛謂牝服色駁也否則冬與金玦皆有義而牝獨無乎上文偏衣卽牝服蓋分織牝牛白黑毛爲之下所謂奇無常也

受賑於社

詩大明縣鄭箋云春秋傳曰蠶宜社之肉正義曰左傳無此文而言傳曰衍字也閔二年左傳曰帥

師者受命於廟受蠶於社也按據說文祿社肉也以蠶爲器盛之則亦可謂肉爲賑故左傳直云受蠶於社也此云受賑於社賑乃祿之俗字耳其古本必作祿或作蠶也

盛以賑器

段玉裁按本賑作蠶是也

命可知也

足利本也作矣非也

雖盡敵

石經敵字上後人旁增外字非也

不知其名何也

宋本如作名不誤

唯識其舌舌存得免號曰羊舌氏也

毛本唯誤誰氏誤是

蠶之器以蜃飾因名焉

監本毛本蠶作蜃不誤案周禮注作蠶

外寵二政

案惠棟云二讀為王貳于號之貳韓非子引此正作貳

故曰亂本成矣

宋本足利本無矣字

注驪姬至本成

此節正義宋本在立可必乎之下

大帛之冠

案鄭氏注雜記引春秋傳曰衛文公大布之衣大白之冠正義引傳亦作大白

勸農業也

宋本勸作勤是也

令貨利往來也

閩本監本毛本令作合非也

蓋招懷逆散

監本毛本逆作逃非也

蓋淵淵也

淵本手木少音

介段既并來也

齊本段本在木介并合作也

辨與菜也

木本膳非膳也

大泉之冠

內文冠五義位尊也

其與也至本如

此節五義宋本亦立四也

其曰順本如矣

宋本皇本本如矣字

春秋左傳注疏卷十一按勘記

小手本在言下